



素林雜俎

出冥 業贅

此目內抽燬者尤多  
不知其書第

和集

棗林雜俎

幽冥

東岳

博物志東岳主召人魂魄其始不過謂東岳屬木為魂蓋以五行象類言之耳非有他也昧者不之察遂謂人死魂皆歸東岳、神將治其生時善惡而罪福之

文昌

俗言南斗注生北斗注死故以北斗為司命而文昌者斗魁戴匡六

鹽官談遷孺木著



星之一也俗以魁故祠文昌以祈科第因其近斗也故亦稱文昌司命云傳會甚矣至以蜀梓潼神為文昌化身又可笑也 五雜俎

梓潼神清河張戶老之子名亞字儒美周後七十三代世為大夫未嘗虐民酷吏西晉末丁未歲三月三日生載化書廟在劍州梓潼縣梓潼縣有善卷祠一曰惡子民歲上雷杼十枚歲盡不復見云雷公取去

### 三官

三官之名古不經見始見于張魯傳中魯以三官教行于蜀之鶴鳴山凡人有所祈禳則書其事狀為三一焚于山上謂達于天官一瘞

于山下謂達于地官一沉于水中謂達于水官其祝日以正月之望為上元節祝天官七月之望為中元節祝地官十月之朔為下元節祝水官後妄人撰為三官經謂陸氏子娶龍女生三子俱有神通一天官一地官一水官

### 羅者洞

枝江縣西南羅者洞即春秋羅子再遷之地居民罔知託以神恠楚

### 靈濟昭烈王廟

廣德州城西橫山有祠山廟神吳興張渤也一云武陵龍陽人生西漢末游茗雲之間自長興之荆溪鑿河之廣德功半遁于橫山人祝



之夫人李氏廟在州東二里曰昭妃廟

象山縣志唐末忽有一石香爐立而附于人曰吾姓莊名穆祠山昭烈大帝也當廟食此山以福斯民衆驚訝教諭梁宗明率衆立廟祀之今曰莊穆廟噫一祠山昭烈也姓名互異如此

### 崇善王陳頊

錢塘阜亭山下為半山祠崇善王會稽陳頊晉時使 斷臂不屈  
壯而歸之歷仕四川食邑會稽葬阜亭山有女弟避寇山洞不欲乞  
食絕粒死屢有靈顯或曰碧霞元君碑云弘治時遣使祭之穆宗禱  
祠此山

### 支明夫人

天台山東壁嶺車支明夫人廟周顯德二年建神本婦人曩常見怪  
配以支明龍王遂釋

### 瘡使司

瘡鬼姓彭兄弟三人游于廣漠之野古帝王裔也凡運劣者遇之輒  
病、時直呼其名即止今太原郭守詢呼之有驗作瘡使司記

### 輪迴所

天啟乙丑沁水故縣鎮蕭味道疫死再日甦云冥司誤攝司日輪迴  
所其嫂變黃牛其脇白償何騰蛟穀八斗尋嫂沒何氏產犢數月斃

售皮得穀八斗

碧霞元君

漢明帝時西王孫寧國奉符縣善士石某妻金氏于中化元年甲子四月十八日子時生名玉葉貌端而性穎三歲解人倫七歲開禮法西王母十四歲感母教入山得曹仙長指入天空山黃花洞修道焉天空蓋泰山洞即石屋處也三年丹就元精發而光顯遂依于本山云

李諤瑤池記黃帝建岱嶽觀常遣女七人雲冠衣羽修奉香火以迎西崑崙由是考之則玉女必黃帝遣七女中之修而得仙者後世因

之祠于山高誨玉女考

嶽頂玉女池側故有玉女神像泉源壅濁宋真宗東封泉忽涌澈故祀之馬端臨又稗史漢時仁聖帝前有石塚金童玉女至五代殿圮石像仆至唐童泐盡女淪于地至宋真宗封泰山還次御帳滌于池內一石人浮出女面出而滌之玉女也命有司祠之封天仙玉女碧霞元君後祠日加廣

聖女祠

林縣東南三十里下洹村聖女祠相傳高歡之女母常養病于此母亡其女三人願殉其墓天彰其德以為洹水神每災害禱之輒應



玄武神

黃帝之子昌意娶蜀山氏女生高陽氏陶七河之津是為玄帝也後御百神召至雷電乘結元之車周旋八外鑄羽山銅為寶鼎以獻于神峰陶貞白與楊許諸仙往來親得其說而紀之

太和山巔真君殿、可三、許俱銅寶沃以黃金棟柱門屏題甍俱具其像與四天兵皆銅精工踰土木

漢壽亭侯

江東刻關廟會文五十篇侯靈批評為序論文以抽發性靈為主陳明  
卿無夢  
園集

歸安昆山關侯廟潘少保印江季馴建門額曰武安王廟殿額曰漢壽亭侯關公廟旁署羽書出鸞筆又題柱曰昭、與日月爭光悠、共乾坤不老

海鹽吳尚書中偉先任貴州學使公署前有侯祠以其障而徙之加閱麗焉已吳坐堂上有銀甲三人直入不為動俄子婦癩疾死第無如尚書何也 沈太學世洵說云尚書面語者

崇禎丙子二月朔流寇攻桐城卜于關廟不利褫神衣斫其右臂及攻城斫者死焉賊完像讖罪



丁亥正月三日仁和臨平鎮戍主寓東大橋之閨廟久矣是日小卒忽作神語責教其罪戍主怖謝請修廟小卒素不知書至是手疏里人名醮建揭旗以募或書國號即裂之但書神號而已戍主因避他舍其事予友人目覩

周凱

東甌周凱吳晉間人時橫陽永寧安固三邑地皆斥鹵凱開導三江

悉注于海因射箭退潮而沒民為立廟曰仁濟廟至今有司歲祭

雷廟

予友姚榮夫為高州募官高去雷陽三不餘里自言親至其地見所謂雷公者為予言甚詳云其地雷穀特異雖時小殷屋瓦皆震如近在簷宇間者若迅雷必連擊數人雷之神曰陳文王有廟甚威犯者必死廟門建二高標每欲發穀或享祭時必有紅白二鳥飛集標上怒氣勃然無不沮喪廟中人云廟後山有窟也皆藏土中出則行天其言如此榮夫曰一日郊行忽教夫昇一物至狀類豚體有斑點文問之曰此所謂雷公也俗謂之土豬兒昇將何之曰往瘞之耳

董穀雷公

傳 攷雷廟在雷州城西南八里陳大建二年州民陳氏無子家畜異  
犬九耳每獵卜其耳動多少為所獲數一日九耳皆動既而獵得一  
卵圓尺餘捧歸舍忽雷震劈開得一兒两手有文左曰雷右曰州及  
長名陳文王登第為本州刺史沒後神靈大著州人祀之自五代至  
國朝皆加封祈禱無不應其名雷州自唐貞觀元年或曰城南十里  
許有擊雷水州因以名

### 白眉神

教坊供白眉神朔望用手帕針綫刺神面禱之甚謹謂撒帕着人面  
則或溺不復他去白眉神即古洪涯先生也 花瑣志

### 李衛公廟

安吉州李衛公德裕廟宋政和二年三月四日廟中隕石云歲豐之  
兆熙寧甲寅嘉定己卯元泰定乙丑三月乙巳朔明成化辛丑八月  
甲辰俱隕石殿像無一損 安吉州志

### 諸葛武侯廟

洛川縣諸葛武侯廟規制闕麗相傳宋曹武惠彬過之以偏霸撒其  
廟闕下石不可去刻云知吾心腹事惟有宋曹彬武惠神之下拜蒸  
嘗加虔石置龕中并祀武惠又田者得複瓦修尺有一寸五分博四  
寸形如常瓦獨兩層中空枕之值更輒鳴怪而碎之內篆孔明行軍



枕字徑寸高平馮吏部養志宰洛川藏瓦之半

### 岳武穆廟

山陰王方伯泮常過湯陰勒詩岳祠中意寓微諷還里以示郡守蕭良久之鄰人某被冥攝見籍注方伯毀謗先賢蕭良詩証奪壽亡子孫墨書其他善事朱書也鄰人驚晤走語方伯果然乃改前詩馳刺湯陰之祠雖壽終亡子 白泮朱氏說

嘉靖初錢寧死後魂游崔駙馬家作殺曰謀反非罪許宸濠晏駕迎立雖然數也秦檜欲殺岳飛不合助言冥司問七次凌遲今三次矣問在宋何人不肯言召天壇道士遣之去 王文祿庭聞述略

### 晏公廟

晏真人名北海宋元祐時晏坊人牧牛至旗面山遇二仙奕石上侍閱良久各授桃食之後羽化鄉人立真源堂奉焉凡蝗蝻水旱祈之有應 歸化縣志

臨江府清江縣北三十里清江鎮晏戍 宋初為文錦堂局長因病歸登舟即尸解人以為神立廟祀之有靈異于江湖明封平浪侯按兩晏公今郡縣多祀晏公或清江晏氏耶

### 蕭公廟

新淦縣北四十里大洋州人蕭伯軒宋咸淳間死為神立廟元明以



其子叔祥合祀明遣官諭祭永樂中其孫天任卒屢著靈異亦祀于此詔加封水府靈通廣濟顯應英佑侯臨江府志

泰和蕭蘭芳歿鄉人奉為小神永樂中裔孫大任復以神顯啖白石一拳坐逝遺骸貯木桶中置廟東廡江湖榜人崇之太監鄭和下西

洋奉神命封平浪侯烟霞小說夫英佑侯一人耳名籍互異如此曷從而訂之質叔向以臺駘問賈生于宣室當有其人敬識于末

### 宋相公廟

富陽縣紅山宋相公廟宋寧宗時棄官修道咸淳二年成神今

其後人皆習禳厭之術

### 利濟侯

金元七前元長洲民世出一人生有神助專拯墊溺之患年四十上

下死輒著靈異今其地曰金家庄陸采覽勝記一曰有二子痘夭因願歿

身為神救危痘七月七日赴周涇河死顯明初封金元七搃管萬

曆初封專管痘司

### 東華洞仙

東華洞主人郭維貞固始人宋季隱莆田之壺公山不仕元杜門學

道因葬焉其家奉一仙曰郭東華極靈後莆田周吉崇禎庚辰進士

授懷寧令在兵充斥仙為書符錄却之間後福書云此人乃岳武中

宮第七子降凡日後有封侯之職是仙能書画

### 宮亭神

宮亭神甚靈有婢名如願客有所求叩如願即獲又能于湖心分風使上下各得順風故劉剛詩云回艫乘派水舉棹逐分風

### 神樹

正統二年六月乙亥雲南晉寧州學正楊茂上言城外塔墩有大壽頗怪異居人祈禱輒應因號塔墩聖母目曰神樹永樂中大風折其壽軍人陳福海鋸以為板內有神像戴冠執簡容貌如画人皆驚異立祠以祀加封號上以淫祀非禮也其止弗聽

實錄

### 雪冤紀異

祭酒汪偉曰南臺侍御萃亭沈霽子公正德戊寅秋七月奉命按視屯田于江北未至全椒三里縣人手訟牒隨而訴者幾輩君默教而目識之既而失其一詰諸左右左右謾應曰蓋講而散者也至縣坐行臺訴者入沈見三人焉隨宜處分之末一人蓬首跣足衣敝甚乃道中所見而復失者君問之若何許人應曰全椒何名曰小羊訟何事曰有冤也有牒乎曰無有沈叱之使起因忽不見急索之弗獲然是時亦君獨見之而與之言左右莫見也君知為妖大駭雨汗嘔痢交作縣令孫贊入問疾君語之故因詢之曰縣中得毋有冤乎對曰



往年有願景祥者為其 景原景昭所害及其子計兇事遭敗露殆  
非是即意景下有小祥字半為羊耳君疾隨亦良已遂竟其獄則小  
羊者景祥小名也豈不大異事哉

貞婦著靈

正德丁丑歲黃嚴結訟者夜泊清風額下內教人妄議貞婦因誦詩  
詞以資諉謔即時風雨暴作舟覆而死續有褻冒者遂有奇禍見蔡  
潮重修清風祠記

百老屯

正德十三年車駕出居庸關駐蹕有白鬚翁百人迎駕近則無所見  
也夜夢神曰汝自褻自穰于我何與即訴之城隍可也汝狂悖閔公  
行撻汝二十矣明發恨不出晚巷見輦上人傳呼過者避入酒肆所  
懸牌遠觸之墮輦上怒逮酒家悞及某撻二十則通判閔立教也

屍蹶

洛川縣某死戚屬夜侍各假寐屍忽蹶起徧吸諸人口其一驚走掩  
尸屍追出格于戶相抵詰旦人集暎以犬血屍始仆不浹月受吸者  
相繼歿高平李養志吏部說吏部壻見語

海寧袁花鎮祝俊卿父歿宗戚方酌奠屍忽躍起諸人越日俱死父  
尚在孝廉朱近修說



周如砥

即墨周礪齋祭酒少讀書東郭精舍舊有崇公獨宿不惧夜忽一編衣少艾立燈下久之不去叩以功名如券且期末年一見及卒之前歲往、遙見之

蕭觀察

江右蕭 任浙江按察司亡子而斃其應嗣者有戚友來候經三衢其故嗣求附行雖知其鬼不能却也因入杭之官舍出曰大門見拒乞楮錢若干許之見其隱鼓中亡何蕭下世嘉興沈德先主事記其名

因名屯曰百老

劉兆元

上海劉兆元任懷慶推官卧疾見女子妾侍以家婢令取茗恍惚不見遂引告卒于家嘉靖 事

曾銑

江都曾石塘銑諸生時構文苦思常步入叢塚間見岍鬼語河鬼曰若何時得脱曰明旦菜傭代我矣石塘明旦候之果菜傭將浣足阻之夜聞鬼語曰本得代奈曾斫頭悞我

楊繼盛

嘉靖戊午四月三殿灾人見楊椒山青巾縞服雙眸炯炯馮午門西  
角楹若指揮撲滅狀踰時方隱

王秋英

嘉靖甲子福清諸生韓夢雲瘞石湖山遺骸夜麗人至云王秋英字  
澹容楚人元末從父官值寇投崖死感德相就輒教日一至多吟咏  
明年寒食祭墓即出見同歸生子萬曆癸巳以綠盡泣別

土神陰譴

吾寧石井村某怙訟寓杭城十三灣巷醉而渡土神祠前已悔而禮  
謝及訟勝賽飲謂神費我藝一札于鑪當訴汝城隍廟蓋飲酣而戲

陳夢璇

閩人陳夢璇官粵東江隘來舟悞觸篙工踞懇陳氏悍怒遽推溺之  
行里許晴空忽晦有神如雷公狀立舟上責奴曰爾宿愆深矣常一  
事善得延喘今枉溺人難道也猝岸上灼死舟人大怖神又諭以亡  
恙且曰茲地許某善人也可訪之遂齋夢璇如其言訪許某

延安地飯

萬曆壬辰修延安府城坎地多孟飯人啖之亡恙

王立穀

萬曆戊午新淦令臨海王立穀入覲十月十八日宿荻港二青衣夜



攝至帝所冕旒正坐旁席二人侍衛猙悍主坐曰爾丙辰八月命盡  
今猶齋戒力也爾何違之示以簿詳注年月至丙辰八月而空即下  
獄在坐者起請勘其破戒後事階兩巨麓俱縣牘并平日戲筆在焉  
各騰氣青黑白赤不一吏簡聚之先青黑次白、聚而青黑色漸縮  
次聚赤則青色隱黑色寢微主坐視赤者所刻金剛般若好生編及  
社倉卷也餘不盡見主座曰當損明延年猙使抉目而寤聞雞鳴家  
人守視不能舉目即乞休持誦歲日愈王自有記立穀丙午貢士

楊鐸

嘉興楊鐸始萬曆壬午榜俞廷讓也登庚戌進士任吉安司理在遷

免歸癸丑卧疾夢冥召懇以對門易鐸代冥隸許之亡何易鐸死始  
大怖賙其喪而火之亡何易氏妻呼市中謂我易鐸也為楊氏借陷  
今返魂無歸所矣奈何楊聞之度不免令髮緇以殯

沈壻鳥鳴

海鹽沈某貧亡賴聽野鳥啁鳴各效之酷肖人因以侑酒有徽賈挈  
之姑蘇偶鳴于綫店中富子遣童市綫久不至訶之曰肆主聽人禽  
鳴故遲我非我遲也富人問所為禽鳴者述其狀亟召試之大悅留  
家監所有空舍素多鬼以寢之明旦未起家監抉戶入沈某猶斲也  
曰夜若白衣人謂盡以遺物相付家監大駭坎室中窖金俱鑄沈某



及富人女名蓋富人亡子止一女遂以壻沈

葦舟

崇禎乙亥予館海鹽橫山張氏其邑寓李洪宇先年莫趨橫山中道有舟鼓幟而來求附載登之行里許心動亟登岬因足抵其舟半覆疑之遂他宿或曰此安得舟也旦往視登處則巫者縛葦為舟列鼓幟半覆者也李迄今亡恙李又云賊曹李恃勇亡賴常于西鹽倉擊私鹽者始而角已舟漸縮如鴨異之抱歸時婦暴卒移刺而甦問之曰我登舟為惡少年所騶幸奪免也

朱大綬

崇禎庚午李水心司理嗣京預闈闈比舍即同年郭夢吉于二十一夜同聞戶外哭殺寃抑鳴不能出諸口明日搜朱大綬卷其表有鬼哭非無因之語驚為異事李自有記

姜東冥判

太倉徐坤素齋誦崇禎癸酉六月二日夢攝冥府事百日每夕鞫問九月二十日事竣刊有姜東冥判

沈招遠

癸酉仁和沈招遠桐鄉錢汝邁竝麟經出金華令項人龍之門招遠力薄寄徑錢氏遂抑二佳卷于乙榜其一忿死而招遠疾皆若對簿

狀寤而走錢氏曰事發矣弟向詔兄寔千金附進今被陰譴兄坐累  
斥弟與項師不可活也明年果竝歿汝邁以他事除名

張耀采

乙亥正月望日

叅政張耀采卒于刑部獄中甲戌是日吏部

考功員外郎省矩自縊遭滿歲耀采目見之

神燈

己卯正月廿二夜神燈見海寧郭店鎮可二十刻

郟城神誑

辛巳山東旱蝗郟城有神降曰七月二十二日水至八月望冠至及

七月果水溢人因信冠至扶挈南走宿遷迄八月亡恙

徐銘

華亭徐銘

進士徐銘經之兄辛巳夜沒且殞忽開目曰異哉有

陽必有陰云遂甦人問其故曰吾至冥司見來牒為公勾事後計

開有罪犯人七名首陸彥章張侍郎厲次開應死平人百十

名身預焉名上書聖門弟子凡諸生皆然人各著某人子或著某

人弟防悞懾也末名唐鉉亦華亭人時遊關中從卒欲往卒主吏曰

客死最重此人當沒于家寧俟之耳主吏冠服如驛宰狀銘未幾

下世唐鉉聞之不敢歸越

還里果卒包長明說



豐縣遊鬼

壬午 大兵破豐縣有二人被創狂奔或叩之曰城破以訴城隍神問神安在曰遊沛縣時沛縣堅守

卽卽鬼

崇禎五年流賊犯卽卽殺童祀神後冤鬼宵啼路鮮行人或曰生畏賊死猶是也以賊嚇之可止後復啼衆大譁曰賊止矣自是寂然諺云鬼怕惡人亶其然歟

蔣國華

江陰蔣國華花塘里人性朴質先是天啟丙寅年二十六夢青衣童

子引謁城隍神及岳相東平王隨詣東嶽廟地皆青碧至今庚寅三月十八日經蔣家橋見大父呼之赴冥司攝事急歸浴而卧上神促程鬼卒掖上馬躍而醒亡何仍往經大城坊曰幽冥橋渡橋入東門曰善慶關福德門至東岳都相東平王府曰都察司入揖至岳廟即丙寅所見者殿左右七十二司造冊所曰監錄司冊有六曰善惡曰生死曰殺戮曰無端曰荒蕪曰瘟疫冊各四帙每司造冊吏十二人總管十二人因朝帝令覆冊各分詣司國華領左箱第十三憲察司天下郡縣城隍神俱金幘頭候門冥官仍進賢冠青錦袍冊書順治七年國華派冊訖因謁閻羅天子命判官檢國華壽尚二十一年

閻羅則宋韓魏公琦也辭出童子送之登舟及岫而醒二十日早又見大父促冊期二十七日入冥如期二十八日則荒蕪瘟疫無端三冊竣江陰縣城隍神蔡奏縣重困不堪疫帝不許又限生死善惡殺戮三冊五月十一日竣至二十九日復甦五月朔又入冥印疫單在東平王處名氏下詳疫狀印訖下城隍神三日復甦

### 顧曠

邑諸生顧曠住橫涇河丙戌九月館陳氏午倦憇攝入冥司閱籍乃唐謝小娥後身也其籍青函鈐印詳載履歷近蹟十五歲不注曠原名義年二十二時蠲吳氏子錢增歲一明年諱女子某私事增福一

歲又明年收糧重其衡減歲一其增減類如此凡不經意之事悉載焉寤以語人甚詳予別有記

臨江府志謝小娥不知何許人父為廣州兵官部押金銀入京携家附舟過蕭灘二里許遇賊被害小娥溺水獲免旦附魚舟而出行乞于市後為鹽商李員外家傭奴俄見其酒器皆父物也悟向盜乃李心銜之俟生日舉家酣醉持刀盡殺之事聞命以官顧為尼乃建寺居之即報恩寺是也相國李紳有傳

### 朱之椅

東里朱之椅同子補諸生膺貢訓導海盜丁亥十月卒戊子十月降



箕云以八事見錄天曹成小神問休咎多奇中今其家立祠

### 郭基

金陵郭基無壞性戇直崇禎戊辰應試句容有檄以王兔山司瘟廟  
闕都搃公代之辭不往檄者求暫允徐往也試訖還家語家人治後  
事而歿是夕廟之鐘鼓有聲示夢羽士塑其像

### 張生

仁和張生 父玄有家學好牡丹亭西樓夢等劇館橋司鎮尹師東  
家常外醉歸聽擊竹敲啟之見艷女携燈相狎將曙珍贈而別生有  
詩半庭新月青燈外一種私情翠幙中記其寔也後攻之蓋越女傳

柩其所贈皆殉具

### 歌鬼

嘉興某生月下清歌忽後有和者同調契洽延之家飲仍歌如初夜  
分而寢雞鳴其人即去不及別又扣門詰之曰我寔非人也亂後如  
我輩甚多今後毋宵行夜歌或訪他人耳

庚寅六月或徵優于嘉興城晚舟行二十里抵舍座客四集演劇教  
闋優覺寒色有識上客故編修屠象美給事李毓新諸公者俱前沒  
賊之亟振金鼓則四無居人乃故相呂文懿公墓庖斃三四頭尚懸  
松上

說鬼錄

張真人家有說鬼錄

豐沛鬼

丁酉夏秋間豐沛蕭陽多鬼衣冠雜途中或相問答語即引去迷死聞者戒途

黑龍潭神

張秋鎮北黑龍潭其水深綠有工人三中夜聞呼聲云某宅修偶門先付銀五錢可即往乘月行有二人先後之及潭側謂吾當汝勿碍也正挾時墮潭中覺衣履不濡宮室偉麗引入後堂修輯掖門有老人深目長鬚布帽綠衣出問之各勞一金凡半月畢工又賚千錢遣前二人送出天明行人見三人卧沙上語其家各挾歸

城隍神

南京城隍神孫策北京城隍神于謙杭州城隍神周新

松潘尺骸

蕭山來憲副 云松潘浚城隍得人數千百皆長一尺許衣冠自三代以下皆具

嶽壻

漢郊祀志大山川有嶽山小山川有嶽壻山嶽而有壻則嶽可以謂



之婦翁矣世俗之稱未必不以是又因嶽山而轉為太山耳

元黃潛

### 子路

成化間河內縣學居民于文廟櫺星門內及先師殿前牧日聚其中忽見一人頽而黑手持木器怒而責之即入殿中隨視乃十哲中子路也後其人竟疾不起舊有碑記今剝落不可讀而斷碣尚存夫以聖賢妥侑之地為愚民畜產之場誠不得違其罪然子路乃顯靈而朴之意當時剝殺之氣歷千百世未歇而亦以見鬼神之英爽不可褻也夫敬而遠古人訓之矣

河內縣志

太原高自卑太學嘉靖十四年知咸縣常丁祭齋宿夜夢仲夫子持

戟入廟受享臨祭忽聞一主覆于龕高曰此必仲夫子主也視之果然一時咸驚

### 蔡元定

建陽縣象岩山蔡季通誦書處堂曰顯慶紹興辛巳季通于堂中推演子孫世教未有教終輪奐猶有代御史尹仁為政噓之句成化丙申巡按尹仁入閩夜夢一老人來見叩姓名蔡元定也至建陽訪蔡家譜見顯慶堂推演詩不覺竦然即捐俸為建傳心堂晉江蔡元偉曰周子出則知數學者邵堯夫朱子出則知數學者西山山西諸生某丁酉臨闈其僕病生初場出病僕曰主人且捷我在場

相周旋也生未信病僕言 舍事果不妄次場亦如之生曰果捷某人  
有女我當以配若病僕曰我 也彼則溫室何能誦之生曰果捷  
我力能得之爾何虞焉至末場出病僕曰主人除名矣蓋望日天神  
考陰隲謂主人設心惡已果他人名也果驗

藏經志怪

廁之精名曰椅衣青衣持白杖知其名呼之者除不知其名則死又  
築室三年不居其中有滿財長二尺見人則掩面見之有福又築室  
三年不居其精名忽長七尺見之有福又築室三年不居其中有小  
兒長三尺見之則掩鼻見之有福又火之精名曰必方狀如鳥一足

以其名呼之則去又木之精名彭侯狀如黑狗無尾可烹而食之又  
千載木其中有象名曰賈誦狀如豚有兩頭烹而食之如狗肉味又  
上有山林下有川泉地利之間生精名曰必方狀如鳥長尾此陰陽  
變化之所生又玉之精名岱委其狀如美女衣青衣見之以 七刺  
之呼其名則得之又金之精名曰倉塘狀如豚居人家使人不宜妻  
以其名呼之則去又火之精名曰罔象其狀如小兒赤目黑色大耳  
長爪以索縛之則可得烹之吉又故門之精曰野狀如侏儒見之則  
拜以其名呼之宜飲食又故澤之精名曰冕其狀如蛇一身兩頭五  
采文以其名呼之使取金銀又故廢丘墓之精名曰亡狀如老役夫



衣青衣而搯杵好春以其名呼之使人宜禾穀又故道徑之精名曰  
忌如野人行歌以其名呼之使人不迷又故車之精名曰寧野狀如  
韞車見之傷人目以其名呼之不能傷人目又在道之精名曰作器  
狀如文善眩人以其名呼之則去又故臼之精名曰意狀如豚以  
其名呼之則去又故井故淵之精名曰觀狀如美女好吹簫以其名  
呼之則去又絕水有金精名曰侯伯狀如人長五尺五采衣以其名  
呼之則去又臺屋之精名曰兩貴狀如赤狗以其名呼使人目明又  
左右有山石水出其間水出流千載不絕其精名曰喜狀如小兒黑  
色以其名呼使取飲食又三軍所戰之精名曰賓滿其狀如人頭無

身赤目見轉以其名呼之則去又故水石之精名慶忌狀如人乘車  
蓋一日馳千里以其名呼之則可使入水取魚又丘墓之精名曰狼  
鬼善與人鬪不休為桃弧棘矢羽以鷄羽射之狼鬼化為飄風脫履  
捉之不能化也又故市之精名曰問其狀如罔而無手足以其名呼  
之則去又山之精名鼉狀如鼓以其名呼之則去又夜見堂下有現  
披髮走物惡之名曰溝以其名呼之則无咎又百歲狼化為人女曰  
智女狀如美女坐道旁告丈夫曰我無父母兄弟告丈夫娶其妻經  
年而食人以其名呼之則逃走去又故溷之精名曰卑狀如美女而  
持鏡呼之知魂則去

魯汶

全椒魯汶髻年讀書于學宮東廡夜有美姝喚開門汶用劍斬姝遁  
松樹下後發藏視之乃斃狐也後膺貢任萬年主簿鋤強扶弱卓有  
政績 全椒縣志

金龍邵氏

嘉靖初盱眙縣石壩集邵氏常有妖竊甕水每伺之不得一日晨起  
見中雷火光燁：欲騰而上主人以田器擊之鏗然墜地有殼視之  
金龍首大于五斗釜乃驚愕急以布數十裹而瘞之禱神畢出之赤  
金也其身尾俱銅錢其家今富 盱眙縣志

龍女

海寧許村南五里龍王塘初有女汲于河得浮卵吞之因娘仍生卵  
棄之化為龍女復時候其母留龍鬚為筆遇旱以筆書符投龍王潭  
中其符浮于臨平山之巔立雨後令君取其筆遂絕響

毛女

袁州平鄉縣五里毛仙山昔有人過此山逢一人徧體有毛言詞異  
常後不復見宋朱晦翁常問驛吏云狐魁所為遂題詩云人言毛女  
住青冥散髮吹蕭夜：殺却有郵童解端的向儂說是野狐精

潼關老人



潼關兵巡道制頗宏壯後墻叢篁茂密常有老人深衣博帶出與人交語人不為異嘉靖中南充王南岷廷任其地一日呼入書室語以爾既出見人若非精靈必係神怪知我未來事乎答曰公名位在某架第幾冊書內公檢視之則浚川王公廷相集也公異之乃遷署潼水西以其地為察院其年洪水堂宇漂盡無復叢篁異不復見王公果摠憲朱明虹

### 舟葉

廣西宋君佐署當陽縣學云沙津市人偶見水中一舟載人遠來可二三十登岸則舟乃大荷葉也人方駭之而舟人至一大家求食與

錢不應毀瓦畫墁與之角則自殘其體其人終不能傷遂沿門擾之官府亦無如之何月餘不知所往承天府志

### 龍眼恠

秀水屠憲副叔方孝廉時見二髑髏流內室侍女皆怖屠躍起執之為龍眼校屠用明說

### 琵琶亭恠

嘉興沈昭明德宿九江之琵琶亭午月浸空同輩五六十人有眇丈夫掘衣露臂徧印諸人之面惟不及孝廉明經沈手拒之覺腥滑次夜表刀以待越再宿刀中其臂血流奔岫亡何印面諸人皆瘡

閨揚

大同公館相傳有崇使客多寓外舍縣令閨揚不信夜列卒藝炬迨夜分素婦步月階下閨叱曰果寃乎哉宜訴我婦忽自空入縞衣領緣間簇針如蝟炬頓滅僅熒一蠟婦逡巡欲前遂麾之即隱閨就寢席為針刺屢拂如故起移床而壁間紙動揭之則複壁也閨引刀秉炬而入有物相撲刀舉炬熄旦見白狐死壁下

妖履

桐鄉嚴蘭津讀書茗上深衣獨坐有麗人叩戶入之詰所自云宅眷也嚴疑其崇凝坐至漏盡始去明日告歸抵舍夜夢麗人貽以弓履

果得之枕上雙繡紅灼常出之示客

贛榆妖

吳興朱司理淮安署贛榆縣事暑夜令僮摩足俄若針刺視之非僮也少婦也佯任之且摩且寐刺漸深醒又僮也仍寐且叢刺驚起又老婦也朱命燭又叢刺怒甚見老婦入壁破其壁老婦立自如朱折几撞之相格鬪稍倦妖倚墻而立朱舉椅抵妖于墻不可脫僮刃之背白毳如絨蓋狐孽也

丘志克

山西懷來道右布政諸城丘志克公署有樓多崇閉久矣丘特登之



積塵累寸其妖冠進賢服金緋凡六七人或排衙鼓吹或宴樂如此不一常簡丘稱都臺其墨淡留數日字滅丘計迫縱射之妖拍案笑接其矢乃縱獵犬發銃斃數十人冠緋者預焉妖雖絕而丘以通賄營開府事泄下詔獄棄市

魯府童子

崇禎癸酉夏日魯世子以派忽見一童南髻藍衣朱履行日中杳不見影世子急尾之忽岐為二相盼即失之邑人吳大行本泰使魯府有詩

素娥詩

長安鎮人某讀書臨平山中晝值歌妓作歌妓琵琶詩吟誦不已俄縞麗叩門詢之曰素娥留坐歎其佳咏某愧謝求和素娥朗吟曰歌側雲鬟尚帶羞教、猶唱八甘州歌來無力眉常斂彈到傷心指半柔腸斷花前絲續怨魂銷月下夢陪愁惹人無賴輕歸去今夜誰能伴錦裯某戲請伴笑許之拉往其處室具俱白宿數夕送之曰如念我可時至也某自此詩思日進秘不示人

趙昌齡說

魚妖

湖州烏鎮董威故尚書份之裔蒼頭某頗饒庚寅夏有物空中求飲食違則見禍惧而享之見黑氣如雲飲啗甚壯屢索不已某以告威

威亂後好養生家言禳以羽士俄擲磚石詬怒而洞庭山隱士施亮  
生有道行召治之雖遁而不絕某訴之城隍神詬怒如故威言于烏  
程令劉璽、清執最有教遂齋沐告城隍曰陰陽各有所司何得縱  
妖擾民妖月餘來云我求食無大罪今城隍釋我矣爾其奈我乎威  
因檢道藏有曰凡妖魅為符咒所不及治者製桃弓柳箭伺其至射  
之如其法始絕蓋太湖魚妖也

徐氏妖

邑諸生徐仁振故太守伯徵子家西鄉庚寅七月朔步庭除拾書曰  
歲在戊子仲秋月中秋夜予坐書齋見月缺紗窓玩賞無已無幾何

不覺困憊為睡魔纏擾夢至徐似翁家直入新樓下見其室燦爛徘  
徊久之少選主人出叙論握手揖我與坐主人東向坐予西向坐相  
與道賓主之誼甚懽主人因言曰予宅非凡地下有玉鯉魚金鱗而  
赤尾其泉直通大海予先君以為善卜居于此予聞主人言方且驚  
且異且信且疑俄而地裂有魚出焉化為黃龍而去是時予駭甚始  
信其言之不誣忽聞戶外喧然猛然而至詢之則諸公子射也予亦  
起入人叢視決勝負但見諸兒搯弓挾矢其仲子連發十矢合式者  
三焉旁有鳴鑼者七轂緩三轂急于是諸賓客親隣觀者蓋如堵云  
懽笑陪常予亦驚覺已月轉中庭矣特予自思之予之與似翁素無



相識且不通姓氏無故而遇我寤寐豈其後予與似翁終非陌路而姑于今日天作之合耶抑予之後有興者而姑借似翁以示顯應耶否則似翁家之事無關於予、何故而得此南柯一夢也予亦不詢其事之有無姑記以為後日之應驗思發矢之人似翁太守號也仁振以呈太守謂黃龍白慮禍燬之弟誼振手錄焉是月十三日誼振卒或龍飛去十矢三中其兆云而妖記特奇從太守壻吳寄示者

### 浮提國

海外浮提國其人皆飛仙游行天下至其地能言土人之言服其服

食其食極意與人同樂欲返國頃刻可萬里萬曆間葉侍御按江西有司言市上一群狂客善黃白極飲娛樂市物甚侈取珠玉綺繒賞之過其直滿用金錢不甚惜及抵暮忽不見詰其逆旅衣囊俱無有請大索侍御不許召至前果能江右土語手持一石似水晶可七寸許舉之案上、下前後物、入鏡中寫及毛芥又持有金縷小函中有經卷烏楮綠字如般若語覽畢則字飛願獻此二者侍御卻而遣之明日遂不復見

### 宋氏鳥巢

蘭溪山何宋氏鳥巢于釋其鳴似云何相傳樹應越州有男子探巢

得千金謂越州者紹興也因賈紹興投逆旅解裝飯于市且縱步忘  
逆旅姓氏失其處僅腰微貲而返則烏啼如初仍探之得大鏹五十  
金上有字此金贈與送金人男子又持往紹興隔年餘矣值舊逆旅  
出其故橐男子曰此天以賜若吾自有五十金也脩道其事締好致  
富

豕言

仁和橋司鎮村人畜豕將召屠令妻飼其餘豕忽聞人語殺察之一  
作徽人音一作蕭山音一作松江音妻驚却告其夫、走聽果然其  
家亦亡恙

瘞孩復甦

澤州原天順八歲被市人歐死訟官驗瘞數日有狼啣出仍活

雞子中魚

嘉興項氏家剖雞子中有魚躍于地忽不見

鵲啣兌馬

雲南黑井鹽課提舉司竈三百五十三丁每丁帶耗費月納銀三兩  
八錢一分九厘司官婪甚每丁加一兌馬重三錢一分八厘上官不  
問萬曆六年新安汪雲秀束提舉如前例忽一鵲啣兌馬飛去復置  
一馬又啣去雲秀惧而欲裁之僚吏不可因循半載事發抵罪



天書

崇禎丙子西安縣市人王氏忽雷雨中偶觸產室雷雨遂霽塔上有天書二子不孝他日重治八字似行書徑二尺餘似以積沙成之滌不能去頃之自滅

象山妖異

嘉靖三十七年三月有妖崇六人一老嫗四為媳一為女至邑人梁氏托宿舉家俱無所見惟一幼子婦見而逐之相與叙禮延入內室問答謂：有教供茶畢婦啓曰尊客宅居何處老嫗答曰家居不遠與宅上為舊戚今歲各當遣女翁往嘉蕪買物家之主持來相倚婦

唯、脩告于姑、疑婦為崇所惑具牲醴賽之老嫗等怒責之曰事急依人我非鬼崇為禍者何以生物食生我令婦娶而進之盤盂盡空夜邀婦同宿無異生人如此者半月餘始去既而人詰其婦云老嫗雖耄而容儀修潔不凡其婦女數人則世間所絕見者竟不知其為何怪云

隆慶二年九月五日申時有紅鷹將葉明家十歲兒自東門攫至天字號觀風亭上其父急禱趙元帥奔追獲歸及詢其故兒荷趙元帥鉄簡擊鷹始得活

萬曆三十年五月二十二日縣城中妙華堂忽有異人胸背各懸一

鏡手執紅棍肩負紅袂兒童爭視之遂化青烟而去以上俱象山縣志

### 陽武泣殺

嘉靖三十二年三月陽武縣西北門外白晝無人聞有如悲泣狀凡三日時云鬼哭是歲河溢其旁屬壇衝漂朽棺枯骨不計其數縣志

### 雷神書

萬曆十五年六月獲嘉辛豐里人王好仁妻帥氏抱兒乳哺忽雷震死所存僅皮骸齒輒消盡兒亡恙也皮有雷神書二行鄉人莫識

### 棗林雜俎

#### 叢贅

#### 沐英

益官談遷孺木著

沐英祖籍饒州樂平縣李姓先墓在大汾潭洪武二十八年沐春乞遣將代鎮親詣樂平致祭八月進封春黔國公不許擅離蘭谿金訓導云沐英祖徽州績溪人專棹舟歲暮值地師失路求渡因問其淪落狀閱之留于家春初雪地師偶步竒其地歸問沐氏曰此族人某山也若得之易耳我屋三間彼欲之索直三百金故不果如



售屋則山歸我矣于是成券果得山且為擇墓囑曰行當有大福願不發也尋爭渡斃人戍定遠

徐達

徐中山祖墓在豐城同曹水南向曰二八居士墓

中山王墓在鐘山不封土云細竹下即是像白皙而厚面目不甚雄偉

李文忠

李岐陽墓規制遜于中山石馬一存其左蔓艸間尚未畢工替身出家

明朝自太子諸王降生俱剃度童幼替身出家不知何所緣起意者沿故元遺俗也野獲編

翰林官

翰林叙銜在官下元時即然他官品在官上詞林稱閣臣堂翁老先生閣臣不論首次俱授掌院不授翰林學士班僉都御史上出道雙棍值政府不避講讀學士班僉都御史下祭酒上日講官軟靴短衣便于對展書官短衣跣御案西大司禮立案左先展書以案高展書官不便也

良鄉帶

京官俱繡服惟行人司在京青素角帶出至良鄉易補服銀帶號良鄉帶

御槍

高皇帝御槍二藏南京午門樓上大者幾盈握修可丈六尺小者修殺四之一圍殺亦如之蓋馬稍也

多學

平涼華亭縣多學洪武間監察御史巡按山東其子孫改為黨氏

從征日記

巢縣俞通海初以親軍宿衛出入行間終鞏昌衛指揮使世襲年六

十二著從征日記四藏于家未刻述國初事異于常聞山陰朱燮元脩兵隴右得錄本今佚

僧道不衣綾羅

洪武二十八年正月校尉賴謙見神樂觀道士陳丑道衣青紵絲襖子在街上執之以僧道止許穿細絹不許穿綾羅也有旨以神樂觀樂舞生釋之予兩匹官絹疊驚

鎮海衛指揮

常遇春幕客上官專掌書記遇春薨上思及上官氏召其二子入分姓上授鎮海衛指揮官授山西衛指揮



又常遇春紅旂千搃薛 從征陳友諒以三百人受圍上高望救出  
之薛首已隕猶執紅旂不仆上拍其背曰好兒子甚苦始仆常藝許  
子洽說

### 蒲壽庚子孫

太祖禁泉人蒲壽庚子孫世不得齒于士列蓋罪其先世導元傾宋  
也宋端宗至泉州招撫使蒲壽庚來謁張世傑分淮兵二千五百人  
命壽庚將海舟以從壽庚閉城門拒命與州司馬田真子上表降元  
帝遂如饒州

### 綠幘

蔡邕獨斷云漢武帝幸館陶公主家召見董偃、着青繡綠幘按明

制綠幘甚賤繫教坊人所戴或董偃本賣珠兒從其賤也

### 葉好文留犢

洪武五年山西葉好文任交河令治行為時第一升知定州初以一  
牛駕車抵任後產一犢比去任留犢與民

### 徐呆廝

洪武間指揮徐呆廝出兵河套地名梧桐壽一日午間有大星墮于  
河中火發延岬上營中軍有傷者後徐氏父子以事被誅果徐氏獨  
應之耶抑別有所應而不知耶

### 救主簿

洪武十一年三月二十九日勅聞喜縣主簿祁伯詳曰縣屬府州于民為切近必得上循國法下悉民情長于撫字者以任佐貳之職祁伯詳今授將仕郎平陽府鮮州聞喜縣主簿爾尚恪盡乃心使政平訟理民安物阜斯為稱職矣爾其懋哉

### 喪麻

喪服用麻布取其賤惡古未有棉布也棉布始自漢北方麻布貴棉布賤又喪家雖隆冬必以麻非禮也

### 畬客

盤瓠之餘錯處于虔漳潮之間以槃藍雷為姓汀人呼為籓藍萎籓

藍萎汀人稱之曰畬客

### 學錄直講

國初上幸太學：錄象山應元徵進講大學平天下章賜錦衣白金

### 黃麟題聯

日月光天德山河壯帝居相傳解學士題殿門者非也洪武中莆田黃麟伯厚以文學荐對大廷稱旨賜第一人授翰林應奉冬至祀圜丘御製門聯曰大明日月光天德洪武山河壯帝居麟佯狂踴仆之上怒麟奏曰此陳後主句天朝效之不既羞乎上曰爾便易之麟口占曰乾坤一統歸洪武日月雙輪照大明上稱善



六鰲縣悞

俞憲登科考弘治己未科三甲進士林文煥福建六鰲縣人按漳浦縣二十三都立鎮海衛轄陸鰲立鐘銅山三千戶所則縣字悞也又海寧縣志永樂十二年貢士沈常銅瀝縣丞今銅瀝縣無考

胭脂匠

宋元來胭脂匠其法黃蠟火化注水中澄數次絕無渣滓方用遠近無能造者日貨十數金後為僕人傳方始廣有焉

安陽張氏風範

南京不打五更

宋時大內五更絕柳鼓徧作謂之蝦蟇夏以禁開而百官入所謂六

庫喝

延安宜川縣西北川南為漢北為蕃通漢人以香火為庫喝

邢冕

新野邢冕洪武初進士除江寧主簿勵志清苦婦張氏躬執杵爨太祖微行至其宅親見翌日朝召冕出班加賞因開其軍伍

乘馬石

北人門外俱列乘馬石戰國策趙武靈王云踐石以上者今同

尺

周一尺當今浙尺八寸當織染所欽降金星牙尺六寸四分

知縣本貫

金華府志永康知縣呂薰明呂文燧俱本縣人仙居縣志洪武四年邑人任繼先除仙居知縣時法令嚴峻繼先畏之六年歸隱于下黃其教職任本貫頗多不載

獲嘉麥秋

獲嘉縣麥秋時男子樵麥中野以網包盛之母論鄉城婦女及鄰境老幼率尾樵者後競拾遺穗多獲者至斗許莫禁也獨從網包中探謂抱包即甚少立見評語此大有古風蓋詩人所謂餘寡婦之利者此也

寶錄

高廟寶錄一百八十卷諸臣列傳特詳

文廟寶錄一百三十卷載諸臣字里科甲轉歷如由狀略見其為文善者無大褒惡者無深貶而勸懲之意亡

漕艘

相傳國初漕艘太祖命焚其一秤得鉄釘若干宋許元初為發運判官舟多虐破釘鞠之數盖陷于木中不得称盤故可以為奸一日元至舡場命拽新造之舟縱火焚之火過取其釘鞠称之比所破纜十分之一自是立為定額



蘇松田額

蘇州各屬田土九萬二千九百五十九頃五十五畝五分三厘秋糧米二百三萬八千三百二十三石五升七合一勺松江各屬田土四萬二千四百七十七頃二畝三分八厘秋糧米九十三萬九千二百二十六石二斗三升二合七勺

瀋陽三使日本

浦城瀋陽三使日本永樂中以行人出使日本回獻德化書永樂大典成陞禮部郎中轉鴻臚少卿再使日本還陞江西叅政落職洪熙初起南兵部主事宣德間復除鴻臚少卿復使日本

張泌

永樂初光祿寺卿潁州張泌最被寵遇清江彭銘以画名上召繪泌像開面方具亟命取視之賞其肖似首肯至再令其家藏有賜像并角端圖潁州志

狀元母

馬鐸母卓氏李騏嫡母葉氏先亡繼母黃氏俱封安人

御史乘驛

舊制御史陸路止乘驛宣德十年九月壬辰行在兵科給事中朱純言巡按邊方或遇警與提兵鎮守等官會議不免遲悞乞予馬匹以

便其行從之

經筵

凡天子初御經筵例閣臣二員進講竝大學首章或易或尚書之首條

審錄

凡內臣曾奉命審錄者墓輒西壁寫像南向法司堂官隅侍御史與曹郎引囚聽訊以為榮觀

教鐘

本朝帝后初喪每寺各教鐘三萬杵

學魁

凡儒學書魁字廬陵縣學明倫堂前刻宋文、山所書魁字方廣文餘

安南試錄

安南試錄四場制義論策詩賦

展書官

程伊川論經筵第三劄子貼黃竊聞講官在御案坐以手指書所以不坐欲乞遣一人指書講官稍遠御案坐講按明制經筵日講俱有展書官又司禮監內臣持牙籤指講處



北狩

大同曹安家有巨几一座英宗北狩還時所御也昇至此陽和總兵曹安易以輿留几于家

王越

濬城威寧伯王越父邑椽也年七八歲值縣丁祭籠兔者因窺兔逸時越稱神童縣官責以詩矢口曰我今放汝上廣寒甚弗遺跡到人間慙慙寄與嫦娥信丹桂留枝待我攀

莒縣屠中丞大山子峻作中丞年譜某月日訪故威寧伯王越于山中即日遁去夫襄毅訃聞遣餘姚王伯安治墓今日蟬脫羽化雖未及赤松視韓擒虎之為閻羅多矣聞襄毅薨後或遇之于太山後其孫往太山迹之晚遇老人指曰去此不遠從燈竿下往可也望燈竭蹙良久夜半抵家笑則向之老人蓋即威寧也

萬曆中醒神翁詭王越又天啟初方士詭羅洪先燕齊恠誕之習豈足信乎崇禎時術者某游燕齊有壯色捧茗甌者子也反白首謂不好道易老或伺之則白首者父耳

董朴

麻城董損齋朴少魯鈍日不能數行鄰人惜之語其父曰即君不慧奈何苦之曷不令牧耶父忿之命工画牧豎于座右苦志力學比長

而登成化甲辰進士終江西布政司叅政

楊守陳金坡稿

董縣楊文懿守陳金坡稿中無錫華孺人墓表誌又言孺人卒時其族謂孺人之行脩矣蓋節以一惠而以賢孝稱之于是誌之書題與為傳者皆如之獨予不能從蓋節以一惠者周人之謚法也在禮生無爵則死無謚謂大夫是也魯莊公誅縣黃夫檀弓載之曰士之有諱自此始記夫禮之由也後世士而私謚若陳文範陶靖節君子猶或議之而况婦人乎婦人從夫之爵而已謚惟后夫人得之雖大夫之妻未聞有謚而况士民之婦乎然則族稱婦人而節以一惠過矣宜予之不從也

陸氏占產

鄞人張瑄搃督漕運時常卧疾郵舍語侍吏曰若等有異聞乎吏曰里中陸氏奸而橫侵其鄰鄭氏盡其產撤其居立園宅所餘惟嘉樹一本陸氏晚得子而暗數歲游于庭忽指樹曰樹乎爾猶在耶家人大驚已而復暗不語間誘之不出穀稍長荒淫戲傲靡所不為家罄乃死

張文定環碧堂集

端宏名官

當塗端廷赦巡按兩浙其大父宏故左轄諸生議舉名官杭州守姜



德志曰此厚道也願其孫將以巡方至而吾儕舉之如公論何俟去後圖之及去竟寢

杭州府志

崇禎丁丑閩縣陳瑄守嘉興其大父日休以貢士司諭海寧在萬曆初事遠轍香諸生追祀之名宦此與端宏事正類時無婁守見古今人相去多矣又天啓中潘汝楨撫浙潘筮令瑞安及瑞安令來謁問我舊祠何如令出不意強對曰小民感佩廟貌日虔出語人曰舊祠不知在何所今惟有重初耳

### 應穀病

弘治間杭人裴師召頗有文行一日腹語事頗驗師召恥之數月不

出遇山東人言其寔其人曰向病此求死道見異即食之忽值一艸腹語之弗食我竟吞之物即洞下而愈遂覓艸得于南高峰將食果腹止之食刻許腹雷鳴下大虫如矢狀如蛇疾良已

杭州府志

馮益齋給諫每發言腹中輒有穀應之遂告病卜居南京楊守極小藍煎水飲之即吐其虫

金陵瑣事

### 先輩書刺

弘治間邑人祝虛齋萃以主事佐治吳淞水利華亭侍郎顧清來刺云辱與顧清拜單刺博二寸縱四寸字大如指微黃有花影又虛齋寄人書亦黃折柬式如前面有花紋二事竝目觀

又嘉靖間許給事相卿寄弟書直名十弟 卿

武宗微行

應天金明府應祥家長千里武宗南巡值迎春日微行見其家大樹集烏突入而彈之諸臣皆微服以從

朱氏書問

寶應朱氏家乘有書問錄載正嘉間友人所遺凌谿射陂兩先生書稱號連續不作另東如楊一清自名石淙病叟一清拜升之先生道契蓋先輩也景前溪司成竟稱賜頓首凌谿先生年大執事今薦紳通問名刺尺牘外又有駢啓萬曆末駢啓外又小啟其詞簡略凡三副楮一全簡浮飾之極士大夫希覓人供應如百函竝發劉穆之直當疲死何暇理他務耶

新城王氏

山東新城王氏先是有王叟與其嫗力田稍自給有貧措大夜盜其廩扼其吭而燭之故某齋長也憐之曰勉旃勉旃我夫婦終不暴君之短因出黃梁與之人無知也

新城王氏上世祖鯨居一日天大晦冥良久既霽于塵室中得一好女子年十八九云外國人也乘車遇風欹然飄墜遂為夫婦今王氏百年科名貴盛無比 五雜俎



金史有國子學齋長予少時猶見廣文呼廩生曰齋長  
字說

嘉靖間諸公文集多有某人字說蓋猶行冠禮也故以字重其後雖  
淵儒碩學見之字說者寥寥古道陵夷亦其一端

原潔

昨城原潔成化辛丑進士歷官戶部郎中督餉大同以羨餘還所司  
忌者以藥瘖其音因致仕蔬布以終

林濟民

汝陽林濟民弱冠時母病篤命娶婦入門而母卒濟民哀毀逾禮葬

廬于墓服闋始合遷鄉里稱之成化丙午鄉薦教諭漳浦以身率人  
陞贛榆知縣

密箴

晉江蔡清密箴欲為一世經綸事止塾教篇緊要書 格天之功興  
于衽席溺身之悔悞于詞章

虎枕銘

江西左布政司岳池馮馴正德二年進士常任興化知府作虎枕銘  
太守抵方壺遭多警虎三日兩授首鼠狗足評乎太守徵其方之將  
請裁髡作枕而寢其鞞銘曰非爾髡吾何枕非爾鞞吾何寢起視海

岱吾安吾朕

余禕令箴

鄱陽余禕正德 貢士任清流知縣陞建寧府同知尋卒清流人  
立去思碑于東門其作令箴曰先王制爵子男同位嬴秦變法縣邑  
是設千室其民百里其地上應天星下分王治孔門稱 路勇求藝  
漢室傳賢循良豈弟卓彼先覺猶或難之抑余何人而忝職斯坐堂  
鳴琴盛德無為德既不足勞瘁奚辭片言折獄至明所推明既不逮  
詳慎是宜撫字之寔惻怛至誠赫々洋洋得非虛教

薛天華左戒右箴

廣東右布政使晉江薛天華作左戒曰毋通要路書以務養節則俯  
仰不瀆毋預塵空事以務養寂則外內不擾毋循末俗態以務養高  
則志行不羞毋受非禮餽以務養廉則彼己不屈毋妄結賓從以務  
養交則減黨不棄而善彙集毋苟出言語以務養德則靜操不爽而  
口過息毋逐戀嗜好以務養神則和侃不伐而天氣全毋最薄遲鈍  
以務養重則機心不熾而真性得毋譏訕世短以務養福則不忤人  
以見直而鬼責消毋虛邀時譽以務養誠則不怒己以見賢而潛德  
進毋妬嫉雋能以養才則不設阱以誣善而有獎藉之功毋欣羨汰  
靡以務養嗇則不競侈以蠹俗而有由禮之漸 右箴曰遇暴上思



以禮臨之則不可犯臨頑民思以仁悟之則不為仇御群小思以嚴  
遠之則不起侮統列屬思以正率之則不傷威察友有過思隱規而  
公掩之則忠不失厚庶民有議思修靜而審弭之則微不悛惡受纖  
芥之私思以欺君為快則勤公益至叨一分之祿思以報主為心則  
舉職益謹然者人所易愠思精白以任之則廷有分謗之士難者人  
所易避思質以徇之則朝有伏羲之臣即有喜思畏義以制之  
則無佚寔之賞設有暴怒思觀理以忘之則無溢法之罰

易刺

伏羲氏八卦象各三畫三代因而重之為六十四卦文王命名作彖

周公作爻孔子十翼說序雜彖傳繫詞文言也宋朱元晦始定今易  
爻次彖象次爻文言次乾坤分上下篇終繫詞說序雜傳國初易刺  
今程子易傳朱子本義成化奉化教諭成矩單刻本義今遵之

張孟元

安陽張孟元天順乙卯貢士終南京職方郎中孟元還里徒行訪人  
不敢乘馬云城中冠帶乘馬者自廉使賈公迎憑使副使馬公卿勸  
乃翁乘輜曰寧徒步不取人恥

張氏風范

祠廣文

廣文例不祠而崔後渠洹詞有威縣重修陳教諭祠記云陳子名燧

莆田人成化丙午以詩來教授著講義日勵士師聖賢卻其束修之問凡四年遷教國子云、

### 十老會

弘治初夏邑有十老會叅政金醞副使楊德知縣劉恭朱鑑劉銓縣丞劉安教諭閔賢義官朱理醫官王淳 官徐銘威每會奕棋彈琴賦詩時形圖繪 夏邑縣志

### 女飾

弘治正德初良家恥類娼妓自劉長史更仰心髻效之漸、因襲士大夫不能止近時冶容尤勝于妓不能辨焉風俗之衰也 張氏風范

### 犒市

北邊犒貢胡茶一斤直六金布一疋直四金緞紵直三十金太僕市馬崑給京軍互市馬給邊凡官市皆駑駿足必私買

### 總督體統

藩憲見巡撫都御史有常儀自韓雍總督兩廣極威重三司官至廷跪伏謁唐珣繼之仍其禮左布政龍溪林同曰公昔為福州府守且長揖上官况方伯耶亦長揖珣不懌以事挫之不為動

### 雲南三天子

雲南人謂沫國公中天子撫臺東天子按臺西天子以公署相次也



土人尊其土司多稱天子或呈守令云天子爺千歲爺夷習如此昔  
田州岑猛播州楊應龍上官輒責其帝制亦拘于漢法未諳其俗也  
華亭包爾庚守羅定州有投牒云千歲爺杖而遣之

### 香稅

泰安州太山碧霞元君祠均州太和山真武祠俱官徵香稅給諸司  
俸涿州娘、廟亦有稅

### 北新關稅

宋黃震東發志提幹趙宗英墓云淳祐九年秋予始居行都北新關  
稅田君穆騷人也云、觀此今杭州城北新關稅雖始成化時南宋

亦有之矣

### 武廟賜詩

武廟南巡至鎮江幸楊一清第作七言絕句見車駕三幸錄又王九  
思作刑部左侍郎咸寧張鸞墓志云戊辰三月廷試進士充讀卷官  
是時纂修資治通鑑成得賜又御製寫懷回文諸詩

### 朝儀

外吏入覲春正月天子郊祀畢 旬日御奉天門視朝諸司始奏事  
方岳守令等咸趨御橋南跽免冠俛伏待罪刑部尚書率左右侍郎  
上御街北跽讀彈文繼而科道皆有彈文各推老成一人北面跽讀

大意言方岳守令等若弗能事，宜寘之法以示懲勸。天子咸口出德音，特宥之以勉圖後效。于是各頓首謝呼萬歲。出翌日早具公服謝午門外，然後吏部以黜陟上閣聞。

御史出差以都察院題定命下之日，必兩人竝跽傳制云：東邊的起去。蓋國初臺班聽特旨，今雖題定猶徇其例外。官候吏部注選考科堂吏呼曰：進士官打躬舉人官不許打躬。于是乙榜聞之，深自色沮。此例或起嘉靖間，意以前科貢掾史竝用，向軒輊乃爾。又吏部直房有坐杌止坐甲榜如乙榜，群集一甲榜至並起避，不且班役呼之矣。行人司藏書

翰林院國子監雖藏書不及行人司，以行人出使例携書歸各輸公署。

### 薩琦變俗

閩縣侍郎薩琦廷主上世色目人，至侍郎喪葬，遵朱子禮變其俗。

### 觀場儒士

嘉隆前學使臨場大考諸生，又大考儒士錄之入闈，不售得附學其不願者棄去，故人稱觀場儒士。萬曆猶大考儒士，然鮮中棄者。後大考儒士絕矣。

### 古醋



延平府城東北報國寺五代唐時建初開山僧常留醋一缶經數百年色味不變

### 酒

桑落酒秦人訛桑為喪改稱秦酒徐宗伯學謨曰予憶十五年前京師貴人席最珍桑落酒當是時已多避忌亦未聞避桑作何稱者而今秦酒之名為備者誰哉痛乎人情益習軟媚去江河日下矣且桑落酒名極雅本無所觸犯而且易之又何有于他事哉可發一噱

海隅集

瓊州人醞酒不用麴葉有木曰嚴樹搗其皮葉浸以清水以粳釀和之或取石榴葉花和釀醞之數日成酒能醉人

### 杜進

嘉靖初臨穎杜進任九江通判于三年夏四月朔見兩頭蛇不殺曰脩短豈彼司之哉越十四日疾卒見崔後渠墓志中

### 陳紫峰論學

晉江陳紫峰先生琛字思獻蔡文莊高弟也官南京吏部考功郎中歸養母起歷貴州江西提學僉事並不赴四方從學甚眾其言曰道一也無高深大小遠近精粗常變同異自吾人所見則有高深大小遠近精粗常變之殊此所以有難知易知有可以語有不可以語苟

能一日豁然則刮風上搏不為高南極下入不為深茫、載地不為大涓、穿石不為小鬼神屈伸往來不為微艸木榮悴開落不為顯經濟乎四海九州不為遠致慎乎閨門衽席不為近聖賢制禮作樂之本不為精童子洒掃應對之節不為粗周公誅兇不為不弟石碣殺子不為不慈大禹之傳家不為德衰于堯舜湯武之放伐不為得罪于夷齊陸象山之主靜不為枯寂朱晦翁之分晰不為破碎周濂溪希授太極于二程不為私學二程不授太極于諸子不為吝教蓋太極渾然事、物、無不各具吾人耳目所見有常有不常心思所測有得有不得此高深大小微顯遠近常變異同所由分而學者之進入不容無難易教者之指引不容無差等也

陳祠仆像

丹陽宋陳少陽先生祠東鉄鑄汪伯彥黃潛善赤體跽庭下長可三四尺泥苔沒膝推不可動嘉靖戊戌南安鄭普以無錫為南京部郎舟泊祠下登堂瞻拜畢守祠者出紙筆求聯句普題曰一片忠肝千古綱常可托荒庭虜膝平生富貴何為二像應筆而仆頭抵頑石、為斷時張黃門選黃二守希雍在焉咸駭異之

芳考稱師

洪侍郎朝選督學四川賓大寧譚啟芳等登嘉靖壬戌進士知晉江



縣至則修弟子禮甚恭後巡撫勞堪執朝選按察司獄啟時正為副使歎曰吾師被搆我不能救而尚仕哉即解組歸

相國不祀鄉賢

晉江王遵岩先生作同安楊憲副逢春墓志銘云在崑山邑有故相常欲奉其父祀于鄉賢祠邑子論有異同君持之故相滋不悅按故相則顧文康鼎臣也位極鼎軸鄉議難徇今半綸崛起輒靡然趨之萬曆中錢塘機戶傳時冒錦衣百戶其先人某祀鄉賢時敗追奪崇禎中吾寧吳宗彥先以布衣納貲武英殿中書舍人其大父璧故贈御史亦祀鄉賢中彥敗追奪二贈君雖未叢垢然瞽宗之祭政自宜

慎

方太古

王陽明先生過錢塘山人蘭溪方太古享之脫粟蔬藜明日陽明報如山人方曰野人為野人固當公徹侯而野具得毋非情耶陽明為笑謝

胡僖神助

蘭谿胡副使僖性惡殺生嘉靖省試寓潘氏園群蟻數十萬聚于室童子欲火之胡不忍徙于他所暨入棘三書義至乙夜而就蠹戢戢筆端不可逐久之始別搆四經義思忽至涌如泉注蠹亦絕不見

遂高薦主司謂公四經義殆神助也

### 詹傑

休寧詹傑松山年八十二屬末疾晨有黃冠叩門曰我欲游白岳願一見而翁傑見之則曰我有藥可以益子七齡而子未能服也命取盂水置案出瓢中藥末少許內之水忽熱涌凡百餘沸而藥自團為二如梧桐子顆搏之堅于石復盂之曰扁家廟七日而發也贈以一緡錢二襲衣不受出中門忽不見滿七日啟扁則異香襲鼻水半耗矣將服之疑其非常復扁之後十餘日疾大發更啟藥失矣

### 季宗道

常熟西門內虞山言子游墓或云嘉靖時明府季宗道瘞鶴以子游土人不可無抔土故飾之

言子游壻申詳同子游子

仕衛 以上俱詳子洽說

### 藏金變石

諸暨駱增鋤山中得大鋸可五十金鑄有字方晨卧見四人奔語曰非爾物也問所歸曰汝兄物也時兄對寢急呼授之兄亦枕卧明晨兄弟謀禳于神視金色漸變如石其字如薛以示市人猶大鋸也

### 三過鄖陽

秦州徐蕃孫女適沈良才徐沈並鄖陽巡撫從大父從父從夫凡三



至鄖陽父嵩湖廣按察副使都御史

王恩民棄妖書

雲南臨安王得民買屋城外庭鑿魚池三尺許起石版有小方塘四周甄斲一小几、上燈一書小冊開視兵書也未載採戰引魂二方得民試之殊効其引魂方婦人則呪一物與食其婦夜即至至于女子則得其生時呪之無不驗其弟諸生恩民借閱溺之恩民戊辰進士位中丞人謂棄此書之功也

盛端明同鄰

廣東揭陽盛尚書端明起宅鄰人質成辭曰吾先世舊鄰一旦舍我

去何所稱兄弟乎

曾氏譜

嘉靖初山東曾氏合譜江西過杭州宿仁和嚴氏疾卒嚴氏得其譜改冒曾今立先賢曾子祠

慶成王百子悞

晉府慶成王鍾鎰子四十四長子奇湏襲封外一早夭一廢庶人餘四十人封鎮國將軍女四十九人孫百六十三人曾孫五百十人見玉牒王元美皇明盛事述云慶成王百子悞也鍾鎰謚溫穆獻徵錄悞端順王奇湏

張太宰遜弟

仁和張元洲潮其弟濂先發解登第常赴人席時輩群向濂揖元洲笑曰舍弟年長又元洲婦初怒以其斥場屋未免室謫元洲走靈隱寺僧舍倦卧一榻時僧新沒方接熬無費故其徒暫出而元洲不知也須臾鬼入視非此人乃張天官耳

故宦優免

華亭顧文僖宗伯漬曰鄉先輩任公勉之汶未莖里長編其子弘為養馬夫教授張公以白太守上虞葉公冕葉大書榜于門曰今後均徭故官子孫一例優免

嚴世蕃養子

嚴世蕃分宜相嵩之螟蛉子見趙時春作王與齡行狀

搃兵挂知縣

嘉靖丁酉梁震為陝西搃兵之平涼迎劉都督知縣王詡素廉能謁惟長揖震筮之二十學諸生聞與震辨震縱僮搏之各毀髮敗面平涼

府志

駱文盛

嘉靖辛丑編修武康駱文盛分考禮闈其從兄孝廉錦以屢困公車欲編修免入庶得應試編修不聽錦引避志甚尋卒于家勉其子力



學安知後人不詞林也錦孫從字萬曆乙未進士歷南京禮部尚書

### 張烈

華亭張烈官都水主事微時作三字銘不能詐寧守之以直惟其然故無悖于德不能諂寧守之以貞惟其然故無傷于誠不能貪寧守之以廉惟其然故無愧于天

寶日堂

### 張二即辭官賞

上海張二即勇戇善泗水嘉靖末太守方廉慕之偵倭斬級賞銀寄庫支酒食事平錄功世百戶賜官伎並辭不受行乞宿岳廟廉後撫吳召予庫金仍辭以乞終

上海縣志

功成不受賞長揖大將軍如張二即鶉結乞食尤奇

### 金傑棄官

嘉靖戊午江寧令蘭溪金傑由貢生性恬淡持正不事鞭朴裁省供億致忤上官任半載一夕謁上官授吏以印竟去不知所適家人號哭倉皇而歸後聞隱九華山學仙

江寧縣志

### 張承

安陽張承伊嗣教諭南宮善詩與盧柟謝榛善所著石湖集柟常題四溟書舍云石湖詩如蒼山老人奇丰峻骨四溟詩如金閨冶婦雜繒錯錦張承曰丁巳余教諭魏縣盧仲木寫詩余告以詞畫俱弱戊

予謝子猷寫詩予訝其詞畫夏弱嗚呼豈知二兆為死之兆前言為  
仲木之絕筆也哉

孫思聰

嘉靖四十五年春甘露降項城縣典史孫思聰宅槐樹甘香異常未  
幾思聰卒于官

東洋行縣

福建東洋行縣在寧德縣十五都嘉靖辛酉倭難作東洋民乘亂恣  
掠以其地僻民頑設一縣令林時芳申建行縣于周墩分主簿一  
員駐札其處賦稅就其徵收

朝鮮慕王汪

朝鮮使吏曹叅判尹根壽子固同子進士昭至京云小邦極慕王元  
美汪伯玉集即童子皆能授讀隨有詩懷兩先生云大海雄文迴紫  
瀾齊盟狎主有新安平山空抱投鞭願悵望南雲不可攀

十友

武康編修駱文盛兩溪書款山寺十友蒼髯翁松抱節君竹冰雪主

人梅晚香居士菊懷素子水碧菜道人菖秋江逸客木芙蓉月露主人

梧幽芳處士蘭雲華仙蓮嘉善錢塞菴相國士升傳十友茶醒友鷗

閑友雪潔友菊貞友石介友松高友蘭芳友香清友竹菜友其一蓮花



淨友蒲團禪友麈尾談友柱杖老友青氈舊友紙帳夢友孤鴻遠友  
落日西友寒蛩吟友楓葉紅友其二

### 田千秋墓像

蒲州田千秋好學善擊劍常鑄銅像鑄已名氏墓之語人曰使千百  
年以後人得之即神仙也

### 海鹽煙火

海鹽人善製庭燎元夕特盛吾縣硤石西山廣福寺有宋碑勒名曰  
監海鹽縣澉浦鎮兼煙火公事某夫庭燎細事耳見于帶銜亦見前  
代綜覈處

### 汀人善舟

汀舟九龍灘險激舟人世居灘上習水性也精其業舟人入灘例倩  
最能者為護一舟下反護其次者世業亦教姓又僅教入誓不外  
傳也

### 販海

閩粵人常販海今延及浙直自太倉崇明出洋載淡水人日給一甌  
泊島亦可汲或未易泊抵日本對馬島或早彌島將至舟殺三炮島  
人出迎登貨于島主延款一日聽島主定直華人多雜居者亦好花  
木書籍

王希周自刎

嘉靖辛酉和平知縣閩縣王希周蒞事三月有東壩張德傑所寓人  
已行通判王佳以縱盜迫德傑死日以東壩人藪盜欲屠之希周不  
聽夜勒開門發兵希周度不能止拔劍自刎佳乃止

吳承恩報仇

吳江吳邦棟大司寇訥菴公山之幼子以諸兄聯第意營秋試為怨  
家所許少年遑急飲醜死邦棟仲子承恩壯而憤其事誓必報陰結  
力人某刺殺之人無知者數年後力人以婦詬婦呼曰爾不常以吳  
王孫殺某氏乎隣人訟于官承恩下獄論後得釋雖事不以正其志

足矜也

汪在前

歙縣汪在前父炎丞平湖忤太守徐

下之獄在前以諸生視橐

饘日伏謁求解不為禮是年丁卯在前舉南國戊辰成進士任嘉興  
司理其去橐饘時未隔歲也太守郊迎素好貨至是斂潔士民傳誦  
為一時之奇士固不易皮相哉徐敗官去在前遷南京刑部主事而  
止蓋兩相構云

丁賓

嘉善丁清惠賓嘉靖甲子鄉試隆慶辛未進士名稍後鄉同年支大



綸先登第性矜倨至丁所見進士扁曰四十名外不成進士荅曰尚  
有下第諸公並令白容父戒之曰汝此行紗帽人說好我不信吏中  
說好我益不信即青衿說好亦不信惟衣皮帽子說好我乃信耳治  
白容六年入覲謁江陵師相于朝房師相曰聞吏績甚著荅曰更三  
年尤好師相曰迂濶吏部因不考選江陵見單曰白容不當遺選御  
史

### 錢若賡

鄞縣錢若賡太守初鄉舉家人烹雞失其首及駢捷烹雞立候又失  
之時以為異自臨江守下獄論死家人召筭判曰若要出待天突果

### 天啟初釋

### 梁邦瑞

駙馬都尉梁邦瑞尚穆宗永寧安公主素患衄血選時潛然血下司  
禮馮保受賄禮部尚書徐學謨阿其意俾病夫進選陷公主孀居見  
通政司右叅議梁子琦疏中

### 丘楫遣子婦

隆慶辛未進士諸城丘侍郎楫之子早夭嫁其婦華亭陸給事樹德  
問及駁之侍郎曰噫柏舟之咏錄于聖人懷清之臺築于天子此光  
岳間氣可槩望之人：乎

高儀尊師

錢塘高儀文端相國父業染兒時戲汚染籍手錄不遺吾寧朱舜臣  
遠見之勗以力學因受業焉踰冠巍科終身師事甚謹有蒼頭至朱  
氏稍恣時舜臣教諭金壇卒矣文端方大宗伯遺書教諭子痛自刺  
責

陸樹穀

華亭陸平泉先生以侍郎予告南還值孝廉舟競前其僮曰我相公  
官不止此陸徐呼其僮入舟諭曰相公他日不為我官但我前日曾  
經為相公

江陵票簿

萬曆初江陵張文忠票簿歲積餘寸許旨極簡切嘉善錢塞菴史官  
時特彙錄之後入相頗得其力

劉臺

臨川湯顯祖見通北驛寺詩多感故侍御劉臺附題其後江陵罷事  
侍郎出冠蓋悲傷并一時為問遼陽嚴謹日幾人曾作送行詩

湯顯祖

湯義仍舉隆慶庚午鄉試以文著鄉人羨 宰宣城萬曆丙子義仍  
過訪宿 寺識梅鼎祚禹金得交沈孝廉懋學常同課寺中有楚客



角巾葛衣通候問里氏曰江陵張某今相國父行也疑之然不敢忤  
留飲且贖焉客辭曰二孝廉入京相國期一晤意頗懇切至期竝寓  
燕前客果來勸謁相國各未決客曰第訪我相國自屏後覘之耳沈  
獨往而退客又至語沈曰相國善足下文謂福薄耳招義仍終不往  
尋沈雋南宮對策進士第一義仍下第然深服江陵之知人能下士  
為語常熟許子洽云

### 禁殺牛

萬曆初巡城御史楊四知禁殺牛榜宣武門外多回夷世業萬眾鼓  
噪總憲急令收榜乃定夫禁殺牛未為非也群習難改故善治者責

因勢而利導毋拂眾以就功 又柳州徭人雖竊一雞必抵命嘉靖  
末某官欲改行漢法徭人立表唱變太守南安陳學伊檄仍其俗乃  
靖

### 申其學

日照申其學由明經令睢寧呈開府李世達築城未得決亡何開府  
經其縣城且半就驚其何自對曰不費官亦不煩官開府詰之曰令  
來時邑故多沮洳芟稿也而務閒無事與廝徒飽食坐卧令惜日課  
之樵久之芟稿山積無所用之陶得甃以鉅萬計度為城有餘獨  
少灰與工食今賣芟及甃就矣開府太息助米千石再過之樓櫓具

備事在萬曆癸未

王國光

萬曆壬辰前太子太保吏部尚書陽城王國光里居有妾婦李氏或勸國光娶之未行時國光年高亦不介意會有他故氏自刎陽城令故嘆國光謂其逼脇死寔非也巡按喬璧星疏聞削國光籍所樹石坊俱糊名不敢露北人遵令如此南人雖削籍門額坊表如故也錢塘太常少卿陳三謨以江陵黨削籍文坐殺人罪城旦其賜一品服坊則吏科都給事中時也至今存

姚弘謨迎事生母

秀水姚少宰弘謨繼文嘉靖癸丑進士父訓導卒官母更適依祖母劉氏至成立登第後迎母歸養克盡孝道人方之范希文

元輔家幹

張居正奴游守禮

申時行奴宋九原京衛經歷不曾任一日即馳封

海瑞

海忠介巡撫江南華亭徐文貞階家居子僕積橫訟牒山積謀于珥筆竝不称意崑山某年十九最後至見各案俱不視第曰揚湯止沸不如釜底抽薪文貞聞而善之詢其策對曰相公柄國久願假尺一



之書走長安故人足矣勿與此曹子角勝也即如其言致書馮保又  
賄給事嘉興戴鳳翔等劾罷中丞徐氏之訟息操縵既熟其後凡異  
彼者俱以孔方撓之烏程董氏亦然

周天球

長洲周公瑕先生師事文太史徵明設像中堂歲祀之萬曆乙未九  
月卒年八十二無子

邵虎菴

錢塘邵山人 虎菴善吟繪讀書山中有隱操郡丞新建喻楓谷  
均欲見之不得怒奪其山虞淳熙詩老即閭民不負租不濠不澗路

應迂叩門震騎傳呼急一片紅塵山已無按楓谷拉轂藝苑傾慕緇  
衣而事同伐木所以鑿環踰垣之寥々也

續吳都文萃

宋季洞庭山鄭虎臣選吳都文萃四卷虎臣即殺賈似道者萬曆時  
吳郡錢穀續吳都文萃凡二十卷未付梓今佚不存

吳稼登

孝豐吳稼登翁晉父維霞巡撫貴州世稱詩常訪仁和沈工部伯含  
朝煥有解帶對山人之句嘆之因謁選授南京光祿寺典簿遷雲南  
州判官晚號玄蓋山人易簪日命服山人之服如故官非其志也

嚴訥

常襲嚴文靖相國家居有老儒候之調相國曰先生自視與孔子何如相國駭遜老儒曰非謂道德也第論名位相國曰宣尼僅魯司寇僕忝冒多矣老儒又曰老先生何如周公相國益駭遜老儒曰周公當初造又值流言不如老先生作太平宰相又曰老先生何如伏羲氏相國駭不能答老儒曰今日某卜祈伏羲氏聞相國召舍之而來直過之矣相國大笑

楊春元

駙馬都尉楊春元固安人尚榮昌長公主極有家範貴而能孝富而

能禮每召客親視鼎俎子光夔錦衣衛帶俸左都督光臯光旦俱錦衣都指揮使並讀書守禮有父風父卒于京哀毀不勝扶櫬歸墓徒步百餘里廬墓母喪七日不食衣不解帶者三月竟羸瘠而亡

王述古笏記

禹州王述古萬曆己丑進士官刑部員外郎作笏記示歸德沈相國鯉欲于祝壽日對伏宣讀以免礦稅然後起歸德不可令述古作奏自上述古難之鄞縣相國沈一貫改作揭進不報

陸平泉論風俗

棠邑許繩齋維新侍郎前守松江問風俗于陸宗伯平泉宗伯曰無



風俗許訐之宗伯曰公倡于上為風吾儕效于下為俗天下豈有風俗

### 柳州象裔

萬曆初貴池蔡清守柳州古有鼻墓處林木蒨蔚犯即見崇守歲祭問之土人云某姓為象夫人之後衣冠未替侑祀祇役稱姑祖陵數千年荒裔猶叨外戚

### 耿馮講學

或問耿楚侗先生定向以天命之性先生方欲擬解其人曰意公自言其性耳先生為之憮然馮慕岡先生維京會友于白下凝然相對

或曰馮公何無講座下曰此人渾身是講

### 林兆恩

莆田林兆恩以艮背之法教人療病從者雲集博極群書著三教會編若干卷老得心疾顛狂逾年乃死今金陵有祠二蓋其徒崇奉之也 兆恩常師作小仙

### 祝世祿

江右祝世祿無功解褐當塗令有馬指揮家墻壞見窖金甚富相傳故宋賈似道遺園也窖衡三天長 十天深若干事聞于官丞尉等爭往無功獨不至後按臺侈其事上之朝知無功不往因荐及

談遷曰吾因祝無功事而有感于近日也崇禎壬午冬有賈舶私販日本携人參值十萬金登吾寧海岬將赴嘉興土人利之告邑令劉憲模往捕之盡收其橐囚私販者數人不以聞上官賈人訴各臺憲模報數先後多寡不一又分參餽上官如司理宋璜即百二十斤寔不能半而初時捕役乾沒者不與焉其賈多晉人陽城張藐山先生時以大司農改揔憲或求先生東浙撫董象恒為諸賈地先生不可曰利至十萬金勢必上聞無益也我不敢預點墨已而撫按果奏上憲模免官前予在坐親聆之先生敬服其遠見正與祝無功事同

朱中丞悞奏反詩

朱鴻模開府吳中時閔白多警太倉王士驥等群習弓矢或許其反搜捕手札君寔有心追季布蓬門無計作朱家為左據鴻模奏上事下兵部兵部

伍袁萃告尚書石星曰此拜月亭傳奇中

語何得作反案出坊本示之尚書釋然

馮少墟會約

萬曆丁酉十二月長安馮少墟先生閔中會約云冠婚喪祭當以會典家禮為主至于冠禮久已不行尤望諸公亟倡之士大夫于每年正月六日各携餅果四器酒一尊同至公作拜一拜再二拜以見相答已會申散有年高步履不便者公除餅果四器酒一尊送至其家



非不得已事不可不到一彼此往拜正用單帖後輩于前輩用折柬  
前輩用單柬答後輩途遇前輩下車立道左候過方登車一彼此往  
拜務相見不可概以不在辭如談久隨便出一餅一果不必設桌  
彼此称呼或字或號不必称翁惟後輩于前輩仍称翁耳

梅衡湘論友

公安袁小脩中道客長安以學道未契汲汲求友麻城梅中丞衡湘  
國楨寄書曰貫城之旁有日中之市焉雖無竒瑰異物而抱所欲者  
各恣取以去求友亦若是耳公欲于此處求友顯靈宮古柏婆娑委  
地作虬龍形東便門外奈子花如錦幄可容二十餘人晉陽庵中有  
唐鑄觀世音相沙寓水葛道士毳順城門守門老中官射亦不佞數  
十年內所得友也公倘欲之便以相贈

朱氏世祝主司

蘄水朱康侯

進士大父方伯珍

嘉靖壬子鄉舉房考滁州

學正全州李

總裁衡州知府德清蔡汝楠監臨御史績溪胡

癸丑成進士房考吏部主事泰和楊

主考大學士華亭徐階侍

講學士高安教

康侯兄知府長期嘉靖甲子鄉舉房考承天推官

絳州孫

總裁憲副汲縣潘

監臨御史長垣徐

萬曆甲戌成進

士房考兵部主事岷山陳

主考大學士全州呂調陽侍講學士尚

昌王 從元 萬曆壬午鄉舉房考武昌推官長洲褚 總裁按察  
僉事上海王 監臨御史常璽錢岱康侯舉萬曆己酉房考行人  
水郭 主考左諭德龍溪蔣 右諭德河津趙 庚戌成進士房考  
洗馬渭南 主考侍講學士宣化蕭雲舉侍郎王圖竝世祀于家

### 趙御史論囚

萬曆壬辰進士趙蓋菴 以庶常改御史常論囚有禁卒以獄逸代  
死先一日獲囚刑部不及聞御史臨決問向年李騰芳云何李曰當  
疏明其事候旨庶不枉不欺竟阻于同事殺禁卒亡何御史死

### 郭達

密縣郭達伯羽萬曆丙子貢士歷官真定同知幼聘姚氏偶失明議  
退婚達指天誓曰我不娶彼何歸遂完娶生子六

### 蕭如薰杜文煥

萬曆時蕭如薰杜文煥並西陲名將竝能詩有集行世聊紀其一新  
秋呈霽色寒艸正丰茸祀壽珊瑚果蘭山翡翠峰出郊分虎旅乘障  
息狼烽坐之舒籌策天威下九重 蕭如薰 朔方纜喜淨胡塵又見邊  
殺急震隣雜虜橫行如火烈諸軍堅壁似雲屯纓冠義切寧違命蹈  
刃心雄止受身獨捷三師先陷陣保全疆場報楓宸 杜文煥定 西捷詩

### 盜俠



沁水竇生以父尉遷安往候遂還出天津值盜剖篋見殘簡薄之生  
曰遷安尉安能厚耶今且何以歸也盜感悟引還家貽百二十金贈  
小黃幟令盜警出示之自是畏途示幟彼悍少曰自大兄所來乎生  
得還里其兄遊河南語此事于逆旅老人老人曰後輩艸、何足道  
因叩之老人曰少作此伎倆今髮種、矣無足問也隨謂客能射乎  
客引強弓面且赤老人拓弓如輕綿射飛鳥命中客駭服老人曰平  
平耳夏截柳挺各二尺置樹端發鏃夫必中裂又立木寸餘矢捍木  
平過又不朴老人投弓而嘆休矣日薄西山奈何客今後如道警第  
述某名氏猶及免也

曇陽子

王文肅家幹曰五曰七通敏敢任竝致厚貲文肅女字徐少參廷裸  
子未行子天時王家有白狐出沒作廋語雲篆或靜室枯坐諸真駢  
降非無因也文肅迂而神之侈言其事聞于兩宮俄而狐隱不復出  
靈響遂絕母朱夫人計窮而王七之塾為紹興某生密捐千金以女  
歸之某歸後單門遂侈其橐且女容止不凡隣人挑之不可或脇以  
無端女吐寔曰我太倉王相國女也聞于朱夫人相國族父孝廉號  
兼吾其人強忍自任朱夫人即召其女置孝廉家而通書相國亡何  
相國報命第聞孝廉室內泣殺俄寂如也又累月紹興某生來同至

者五人亦延歎亡何竝不見其出則孝廉意也王元美作曇陽太師傳倣唐人南岳魏夫人傳四明樓熄指其妄鄞縣屠儀部隆上城隍神詛之後曇陽子祠位雷擊毀

王世貞

王元美先生每夙興燭下盥櫛輒閱諸行狀隨艸一志傳又成一詩出報謁肩輿頗廠旁列書供覽所坐書室設大缶四隨事記札分授之經月一理夜客四人侍飲有某別號怵怩嘗投簪求題云伎所贈者先生即曰鬱陶思君爾其捷趨類此

王罔伯士騏先生之長子也先生與王文肅非同宗特契洽常共讀恬淡觀中兩家子弟比于雁行萬曆壬午罔伯解額第一成進士文肅子辰玉衡常過之值其內櫛不即出意不快會選庶常文肅當國謂瑯琊素不以詞林重罔伯遂不與雖文肅無所私寔辰玉意也故罔伯怨望及文肅還里伺其起居輒示東林諸公絀于群口矣

司汝霖

巡撫福建右副都御史江陵司汝霖本汶上張林子數歲失母江陵司鏜督運過汶上與林善乞為子年二十二登隆慶戊辰進士歷文選郎中太常卿鏜再受封後復姓改名汝濟卒年五十三遺書曰開府非卑僚半百亦長矣惟生我之劬勞吾負慚于天地



文在茲

萬曆 陝西初場督學

閱諸生試卷揭何龍圖第一文在茲呈

七義謂文宗誤矣必我也者非龍圖也督學深然之果在茲第一乙榜首龍圖次舉龍圖又第一

無賴妄奏

萬曆 丹徒張昱奏其叔占叔第一祖宋高宗駙馬培賜物又第二祖蔡京丞相女奩物并發吳慶封漢子冢寶物萬、湯顯祖若士詩天帝詎諧一字聞宣和遺事莫紛、獨憐千載推埋客不到延陵季子墳按金史宣宗興定三年十月癸未平陽判官完顏阿剌左箱譏

察霍定和發宋蔡京故居得二百萬有奇准格遷賞穢相封殖祇供後人官帑又供後人誑墨何不將六州鉄鑄其身于銅山金穴間耶有司重聽

嘉興推官 段鏞重聽巡臺常問幾令即曰外郎二十四人滿堂笑之 無錫知縣 謁學使學使曰益臺與貴縣有說答曰已諭明日進硯問其故悞益臺為硯臺也尋免官

雙乳

嘉善錢士晉守大名有諸生兄弟四人貌各相似問之同乳二人生正月二人生膈月俱歲內記其髮偏全

徐大相論魯綬

萬曆 吏部郎徐大相先以國子助教論稅監魯綬不報綬內惧進  
珽異若干列凡上上欲受之適中宮至問所自中宮曰國子先生論  
人當不美奈何受之上即麾出中宮去旋受之

許會元稿

同安許獬子遜辛丑南宮第一先是下第南還道匱桐鄉祈 昆陽  
值之贖五金子遜貽制義三十首內食不厭精全稿祈應試錄之拔  
高等食廩又易義售姑蘇酒家六甌後冠禮闈梓人購得之

梅花詩百首

屠儀部隆長卿求友人侍兒令即席贈梅花詩百首長卿援筆立成  
因歸之  
長卿佻達不羈先因宋西寧家狎飲罷官常游西湖泊舟西陵橋詞  
客滿座語及前事忽曰宋夫人真絕色也衆為之匿笑又曰我一夜  
可度男女十人歎縣吳德符充時在座為予言之

趙文懿墓銘

崑山顧天竣開雍志蘭溪趙相國志臯墓簡峭嚴潔大有古法不似  
諛墓之習銘曰公初激昂時宜勇也公晚委蛇道宜漸也公學至偉  
巍科猶細也公用未究久相猶促也生焉顯榮沒永寧也



張九德

萬曆己酉松江守張九德同知楊勳俱寧波人張守常出郡治門見  
治前大書一酉字畢滿一場賊而返楊問其故以寔答竝不詳其故  
後四十年乙酉松江陷

虎入城

萬曆丙辰七月晦虎夜入杭州錢塘門旦逐之踰城出不能獲湯鄰  
初先生煥曰虎反爪為虐主酷吏肆威

偶然詠

韓求仲太史敬常入內閣今日何衣緋曰偶然何更換一書妾亦曰

偶然兩言可念姚叔祥士彝遂賦一絕袖裡紅綃裹一編偶然應答  
語新鮮若教更問即何似嫁得即來亦偶然

冥衣

嘉興通判某北人也常過市見紙人等問之曰冥衣也心恠之邑  
成疾傳錄卒取冥衣錄卒以呼名醫也召劉巽峰通判曰焚了時以  
為笑

榜豐縣

孝豐縣令其諱孝宗每榜示曰豐縣又福建龍巖縣北四十里孝山  
縣官始至則祭之謂孝凶名或莫乃入知縣黃廷圭改曰壽山自是

不祭而皆亡恙

樵李詩人

萬曆間樵李詩人頗盛姚叔祥起傭書丘遂本天寧寺僧空梵也逐于岳氏走補嘉善諸生仍被斥以詩游薦紳間陳無功本龔郡守勉侍史積資官泉州府經歷沈藻德明本吳氏舍人竝能詩不諱其所出明德家設恩主思我吳公之神位每遇人輒自称名殷東臯本村農車水手一綿紙書陳眉公過問則後漢書也因勉之成名

卑稱

府衛州縣佐貳首領官見通判以上皆稱老爺與奴僕無異萬曆間

濟南歲貢生王之翰選

主簿見上官一呼老爺遽感心疾見人

輒曰孝子慈孫百世不能改也竟死趙州選貢宗弘業選州同知上疏求與州縣正官俱稱上官為大人奉旨下部准通行弘業見巡撫遂稱老大人巡撫怒而笞之十五憤恙病死見冢宰趙南星疏中

許令典

邑人許太守同生令典萬曆丁未進士常從官淮安教授壬子分考四川畢出游見都人婚車餘從白衣冠問其故曰孔明卒時蜀人俱服素遠者遂以為俗不之更也曰孔明孝

太守往廟灣周氏適新進士盛服擠許膝下從者指為太守也許叱



曰此處安得有太守或問其故曰我不代伊父母教他

### 陳心得

萬曆己未冬十一月崇德知縣陳心得廨舍失火延藝軍器庫傷于火藥卒今立祠

### 臂紋

秀水陳居一太史萬言常欠伸左臂隱有文旋膚理若動出文中起寸許長過之乃玉筋篆一進字即以朱塗其文用楮印倒篆數紙鈎畫宛然晡而稍平見太史自記

### 印綬放花

鄞縣董侍郎光宏筮仕

退食案上印綬忽開放如青蓮花良久

始合尋右遷凡三放花至侍郎

### 趙南星

趙儕鶴太宰以葉相國孫上書言事對人曰葉臺山有孫魏見泉無兒時魏廣微來訪辭之魏曰我即人可輕家亦可輕乎止何魏因失廟祀見攻

### 魏廣微

魏廣微父允貞以清直名廣微雖世學經術疎略同烏程朱文肅國楨在閣河南上玉璽擬聖諭一道各具艸魏云人君得天下易得玉

璽難文肅諷其改魏曰某得意在此末年媚璫之旨駢四儷六多元  
城平湖二公筆黃立極施鳳來

### 陳長祚

長樂陳長祚以業相國之師致八座相國解印或規其引避陳曰雖  
年迫懸車而少子求廕叙欲少慰之辟如驢馬非不願息無奈人鞭  
其後耳

### 汪文言

歙縣汪文言以侍兒事縣令施天竣見幸充庫吏餽帑事敗逃入京  
久之黃綠太監王安時直東宮因善中書舍人嘉善魏大中侈附

羽翼自云本武生大中轉掖垣于諸公前說為異人密托訪隨委隨  
應蓋上交冠蓋下結胥吏故于投合益巧而借援正類感慨以發舒  
其意車馬如市苞苴日進轉應 大中書善傳檄大中勅檄而  
吏科都給事中關原許阮大鈺同縣左光斗恐其反覆仍計出之改  
用大中各致隙

### 括銅

天啟初太僕寺少卿徐卿伯括南都廢銅四十七萬餘斤輸北京二  
十九萬八千餘斤留鑄錢俱大內各宮銅竈銅溝等物

### 黃尊素



餘姚黃御史白安徽時有友人丞某懸館致之夕常酣飲令君曹谷  
聞之問于丞言其寔命戒之後弗復爾黃酣歌自如丞去聯捷已  
曹進御史黨逆魏敗名

### 銀錢分定

建德鉄工某欲往池州過七井山某上曠寂忽見白金無萬數作四  
堆某驟視駭異叩首曰雖神貺如隻力何且迫暮先袖二鏹行十餘  
里宿村舍告之約共取晨往俱壘土也袖金入池州尋罄矣  
嘉興李同知芳家梅溪里中貲甲一邑偶門外遺一錢類穢物心疑  
之俄行者拾去遣問則一惡錢也同知嘆以我之富一惡錢亦不可

妄得另易之以示後人

天啟初海鹽橫山張氏蒼頭楊隨龍春日鋤麥坎瘞金若干俱刊楊  
隨龍名其主徵之不應被榜自經訟及主人大控其產亦累死以阿  
堵物主僕俱斃故知管寧挿鋤不顧者有以也

### 佞佛殊報

硤石鎮屠者渡海禮普陀落伽山同舟客某雖積虔以眩疾不輟  
輦累數卜于神不許浸尋六旬決志元旦卜之利至是登舟謂風俗  
備晡少許俄觸風長年徧詰諸客其人無以應奈何以我故貽患諸  
君乎但乞登岼從之時抵暮荒山榛莽分必死良久見山上有燈意

人跡窮其所往值途人告之故途人謂我舟便挈抵普陀迅帆乘風  
味爽告泊禮佛下山而前舟方至駭問其由則積度所佑也屠者能  
記客姓名

天啟丙寅太倉王氏航普陀且至風覆之盡溺

崇禎 正月大風雪寒甚斷舟香客或飢凍死

丁丑 月杭州天竺山香舍夜火吾縣斜橋 氏旅宿以鑰其門焚  
死

名刺

詞林以西雍為外任祭酒通刺司業稱寅弟還詞林不復稱寅給事

謁內閣投刺晚學生答稱知生御史通職名答稱友生萬曆末葉向  
高入相竝答知生崇禎末左都御史李邦華奏改御史投刺如給事  
蓋聞之黃澍云奉旨不知果否

平湖趙無穀先生維寰曰世俗士大夫投刺書名但繫京秩即止稱  
侍不用教字于是有以銅臭挂名京銜而目不識一丁者公然效尤  
以豪于鄉里則曰京官辭應如是予謂不然侍以分言臣于君則侍  
子孫于祖父伯叔則侍子弟于師則侍其在交游惟于達尊稱侍亦  
可平等交何侍為若教則無往不可自聖賢以及芻蕘工瞽苟有一  
言合道一事可法雖王公大人亦將折節請益而以區區腐鼠遂謂



天下無可受教見解抑何隘也此風想起于隆萬間吾宗約之兄云  
鄭淡泉先生官銓部時通刺吾相稱侍教生不稱眷以非至戚也先  
生去今未遠要見爾時古道尚存今同省皆稱眷未足又益以通  
家而獨新一教字蓋驕浮日熾古道蕩然矣此不當責之諸銅臭咎  
在吾黨志復古者請違衆獨持之何如

### 通家子記

萬曆乙亥留都部曹諸人極一時盛且修元輩故事易子而課旬為  
一會各因所至考其殿最而磨厲之禮部蒲州馮竹坪公子搆謙年  
十六勞謙纔七歲兵部則興業何鉄橋公子右雍獲鹿曹嗣山子應  
徵應名、年十四徵年十二而雍及召與勞謙同歲河源李斗野子  
樹植年十歲武進史禹門子志寔少樹二年而吏部涇陽雜涇坡孫  
獻瑞亦七歲矣又狀元俞邦揆年十八羽林前衛李承忠年十七蓋  
諸公教諸子館客之子也 駱問禮萬一樓集

### 書法

邯鄲淳曹娥碑真蹟今在太倉王文肅家包長明說  
陳叔度與曹能始書曰有友工書但未絕俗奈何曰筆未拙耳拙則  
不俗

嘉興助教李曙巖原中曰凡人書法濃筆多天淡筆多壽

茅筆

陳白沙先生自製筆作大小書傳于世人莫能效之

產異

萬曆丁未吳縣石湖陳某妻許氏產夜叉白魚後又過期不產一日  
請治平寺僧誦經祈佑忽產一胞剖之一銅法馬也重十兩鐫萬曆  
二十六年置  
徐州吳端妻初生子歷五十四日忽嘔五斤物數十滌之乃銀二錢  
四件五六日連嘔數斗合之得大錢七十五皆有年號

二朱遜誚

天啟時工部郎中華亭朱國盛黨逆魏歷加尚書銜魏氏敗國盛除  
名鄉人朱積因宿怨同陳子龍輩上書刺之輒稱逆黨積登崇禎癸  
未榜選庶吉士從李自成逆歸國盛謂為順黨題楹曰寬着肚皮包  
世界掙開眼孔看時人

沈灌

烏程沈文定相國南司業時魏忠賢以事至重其才辨厚禮之且薦  
于同年浙撫 贈遺過望忠賢感之天啟初 相 科給事中惠  
世揚以太學門生來謁勞閭人沈光一縉三日終不為通世揚恚首  
攻文定云



熊廷弼

輔臣丁紹軾馮銓上私刻像遼東傳因殺熊芝岡丁卒時見熊索命  
又王化貞同熊臨訊在道輒賄市人頌王詈熊

朱國祚

王司寇紀論沈灌削籍初朱文恪擬旨未苛上自改重時旨出入多  
文恪脩怨司寇曰秀水長者不至是乃烏程搆我耳

董應舉屯田

董應舉奉屯田之命給帑金若干亟于成事出價買田業主包租董  
去任即廢蓋墾荒可以久今本墾田何以永賴

錢相國塞菴說

顧秉謙

顧相國宴魏忠賢窮珍極異覓竒錯四十盤令吏四十人頂獻上紅  
僉書某味出某地又自撫其鬚曰本宜認子但不用我白鬚兒命二  
子台碩台砥称孫立勞二百金自称通家晚生二子称門生祝者壽  
忠賢文也

樊良樞

天啟丁卯四月浙江學使南昌樊良樞自  
還杭州登江岫失印  
三日或得之司前石獅口中尋出試衢州投効去

此處抽出應燬魏忠賢一條

此處抽出應燬箕仙一條



戊子山陰白洋朱氏以亂召其間避地之所在鄉乎曰不可在城乎  
曰不可然則城鄉間乎又不可歷請其故曰不在劫中人無可無不  
可

### 黃汝亨

杭州西湖立魏忠賢祠賜名永恩浙撫潘汝楨倡之祠始成郡人黃  
憲副汝亨卧疾不可起魏氏敗有奏汝亨以入祠臆論被詬辱忿死  
則流聞悞之耳  
中書舍人新安吳懷賢幕客程于古偶閱即報塗抹蒼頭懷怨許于  
東廠捕下獄懷賢承之掠死崇禎初贈始禍不自葉歿預其榮人  
事真不可測

### 余煌

會稽余太史煌事親篤孝既顯貴父幼美自期進取不拜封命俄歲

試下等太史遭家居令赴學使代朴勉如命宗戚中阻改令少子往  
自是謝逢掖受章服之榮

### 天鑒錄

錦衣 胡岐山太監胡良輔從子也寓京口往來吳越刺探陰事  
德清蔡奕琛以置海昌中書吳中彥家嘉興岳和教虞廷陞合謀作  
天鑒錄謂東林枉做小人不東林贏得為君子列名分注凡五百七  
十人品目三日夜書成託浙撫後墻把總 密致之逆賢以把總其  
寄腹也又五千金託岐山致崔呈秀謀薦起中彥

### 郭之琮

蒲州郭之琮萬曆甲辰進士歷宣大總督常述宿生輪迴之苦本蜀  
人讀書山寺中撥爐灰得二十五金蓋老僧所藏致憾死書生亦沒  
罰作馬其主富人即老僧也被騎箱脇痛過鞭箠後轉生某氏出胎  
方浴自喜為男子舒手連殺曰好其家怪之立溺之又生郭家念前  
死九歲不言偶讀一壽文父駭問因詳其故自是夙諳經史居官記  
前因勸人惜馬

### 孫承宗

先帝好修飾言貌孫愷陽相國常面論兵餉云肚子裡飽可戰上曰  
何其粗也間引疾溫旨宣諭曰好出來了



閣揭

閣揭萬曆前不敷進事關重密元輔秘啟多所嘉納先帝時屢瀆視  
為故常不復經意

思陵檢德

午日例賜諸臣蜀扇崇禎時寢之

賜大臣上樽發之或江南白酒蓋中宮蘇人故多吳釀午門外廷臣  
待漏向憇內臣直房供飯例酬一緡上禁之俱露坐松棚下

周或

嘉定伯周或朴謹諸子粗鄙雖貪恣大不如田氏常飲吳駿公太史

太史問中宮異兆曰有之少時某姬來命出拜之某姬遽仆地今想  
之或不足當其拜耳

此處抽出應燬左都督一條

陸完學

大司馬太倉陸完學協理戎政再膺錦衣時太監曹化淳提督或問其方略曰自去自來梁上燕相親相近水中鷗忘事唯諾竟得善去費縣張四知代之郊餞請教曰有四字相贈行所無事耳費縣初不以為然已悉如其言所批牘輒曰照行一日語吳駿公太史曰行所無事貴鄉陸翁見教甚得力吳曰國之大事在戎何云行所無事費縣無以對未幾內閣

周道登



吳江周相國性木強不好矜飭一日侍朝默笑上見之詰其故不對亦不謝既出華亭錢相國尤之曰已笑矣奈何上自此寢疎訃聞僅祭一壇予半墓典禮雖薄猶同官幹護之

### 綸命

百官貶封誥敕屬詞臣贈官誥敕屬中翰崇禎初贈高攀龍誥命許士柔擅撰被免

凡京營河漕撫按鎮巡等官敕書俱累朝成稿不易一字或當增改經閣臣題允始得命長山劉相國鴻訓以惠安伯張慶臻提督京營敕書擅增數字下獄戍代州

### 張鷟

華亭侍郎張侗初鷟學行著稱夫人陸氏頗妬侍即苦之沙門達觀有道術侍即以夙命問令持呪

虔明半載當自悟也至期恍

覺前生戀伎某登第負之轉生陸氏

### 起居注

上初命史官記注後召對漸任喜怒慮未可示後罷之日講六人端司起居已執政多奉密諭不欲外聞仍起居注

此處抽出應燬常熟張漢儒一條

何吾騶

香山何象岡相國以未腰玉不加意錢塞菴曰毋妨雖未腰玉人視之同為閣老何犀玉之異

嶺南臣宦何太宰熊祥黃宗伯士俊何相國吾騶陳侍郎子壯竝鉅富于桑梓不甚稱也香山耑販海侍郎至窟盜御史李雲鴻按劾子壯朝議不悅例轉雲鴻

程國祥

程國祥清望素著入相後頗迎上意啟其瑣屑始搜民間房稅

此處抽出應燬常熟楊子常一條



李長庚

李夢白太宰朝罷例揖閣臣時方更選法太宰述近議倪鴻寶云  
溫相國體仁曰此事老先生自主與倪鴻寶無涉

傳冠

崇禎戊寅六月劉宇亮傳冠直內閣是日值經筵傳敷陳剴暢進退  
詳雅上退入煖閣諸臣尚竚俟傳上方酌定枚卜諸臣出及門知傳  
等大拜

心竅

庚辰山西大飢人相食剖心其竅多寡不等或無竅或五六或二三  
竅為多心大小各異

周延儒再召

宜興再召都督杜文煥日章趨其家告曰相國聞命例疏辭而今事  
急矣

勢不兩顧其關係在松山之師稍在蹉跌大事去矣  
相國疏辭即宜附密奏撤師松山回守關門蓄力併銳猶可支也若  
待相國入朝而圖之度紆程三四月則松山隳矣關門豈能獨禦哉  
上待相國厚言之必聽幸速為計宜興漫應之殊不置意及入朝東

師果潰而九塞之精銳盡矣都督以語吳駿公深用追嘆日章博通經史二氏善五七言律

吳駿公太史常請事宜興如兵食河漕等當若何宜興但曰有督撫等任之竝無他語滑縣魏焯乘舟研陳演接朝士竝曲謹未常涉時事并研即瑣語輒左右顧始發寔皆寒暄應酬之支飾也

### 孫傳庭

中丞孫傳庭自陝西勤王獨不召見自疑忤託耳贖求免上不許陰令撫按道府偵之各稱其贖先是過易州所部兵頗道橫辱學正之弟適按臣委學正伺報于是學正報某日接某人餘某人非贖者

按臣以寔聞下傳庭獄撫道府俱落職

### 曹文衡

薊遼總督曹文衡既削籍樹坊于里忤縣官手搏其面縣官大怒撻之二十下獄

### 阮正中陰德

丙子海鹽訓導 阮正中恬潔自勵署桐鄉縣事三月積千金為吳給事麟徵所重得宰壽昌決歲殆四千金意覬溫州同知時巡臺金壇鄧鏞出壽昌隣宦某之門以八百金壽隣宦某鄧鏞許之尋卒未及薦正中常候隣宦某、謂其索負若無措正中曰某非求償者



慮丈人介意特相慰藉事之不諧命也願弗再及某宦原乙榜窮老  
止一孫命出叩謝俄巡臺來又某門生泣告其事巡臺曰此足徵壽  
昌矣特疏荐徵拜 科給事中正中辭巡臺巡臺曰公隱德非人所  
及始知某宦之力也又餉之三百金不受

### 白楹園石

聊城進士白楹治園于臨清輦二石致自章丘頗幽麗德州謝太宰  
陞求之不與謝方典銓補楹盧氏令被寇死濟寧楊士聰詩興寄烟  
巒粗造意禍貽花甸香歸魂

### 科第陰德

隨州程鐸崇禎戊辰進士授惠州推官庚午分考闈闈撤棘語門人  
曰吾輩進身雖藉文字而積德尤為之本予記公車時舟泊一渚是  
夕北岫 家失火有婦裸奔投水予呼僮救之入舟恐僮輩有他意  
坐守徹夜解衣之之凌晨歸其家而行是婦見疑于夫謂倖生逐之  
造懷妊不能明也還母家後舉子岐嶷可愛少即補諸生雋鄉榜戊  
辰同禮闈初場稿畢拍案叫絕俄燭盡其角自度不中格未膳真  
步于號房見隔坐老孝廉枯坐舉稿授之記其名乃程鐸也鐸因奏  
名成進士少年來訪懇問素履漫以前事應之少年泣拜曰公真長  
者吾母常誦此事無路訪覓今借以弋義報于願足矣乃述母見逐

之故其寃始白故知陰德灼々不爽也備叙顛末以為門人訓  
鄞縣邵仲陟己卯館袁花祝氏赴秋闈寓婦意挑之仲陟不應侍女  
間遺茗餌麾却之或婦自至避不接且戒祝氏僅勿以語人仲陟竟  
登榜

### 吳培昌

華亭吳培昌宰仁和贖貸時歲飢借完漕貸富民五萬金半私其橐  
營薦五千金內召還里即被牙繡謂西臺且掇之耳兄事樵里吳昌  
時同舟而北志意驕溢癸未四月河南道御史吳履中同嘉興曹溶  
給事中長沙廖國遴松江楊枝起平湖馬嘉植等集松棚下履中曰

將來匪人玷臺矣公等何不糾之問其人曰吳仁和也各言其贖貸  
以隣近未便糾國遴又他對時試御史大興審承勛以堂考次等當  
調國遴諷履中德惠之履中遂語承勛曰右授職來曾被考乎曰前  
被考未寔授履中曰君能論吳培昌則臺端生色矣承勛唯々云渠  
事未詳枝起溶請任之枝起列事狀溶繕疏以承勛名上得旨下培  
昌撫按勘理培昌道德州見報駭惧亟返昌時怒言路謂此非逐培  
昌乃逐我也兼程入京偵其事陰代宣興揭言路喜中人往々不識  
面借陷如吳培昌事審承勛何曾稔之寔枝起溶等嗾使陛下試召  
問則立破矣上尋召府部大臣對訖手敕召承勛承勛不知所出上



曰爾糾吳培昌能誦其奏乎承勛惘然上曰即未全誦事可恚也承勛勉叙一二上笑曰奏不自出當指其寔承勛服而退各責回奏承勛趨枝起溶商之承勛回奏培昌稔迹甚著臣誼當糾第路遠未詳訪之枝起溶非有他也章上不問枝起溶亦回奏不問而昌時憾三人甚托給事中常璉時敏伺三人起居三人謂敏同土傾心告之且求為昌時地不知敏賣三人于昌時也會推孫晉大同巡撫昌時喉宜興揭國遴等有私國遴枝起下獄溶解官聽勘而三人尚乞援昌時其見賣久矣

### 董象恒

雲間董中丞象恒撫浙有綏靜之德坐累被逮甲申三月許囚納贖董購浙人在京者疏救既輸金旨未下輒出獄又浙人焚香迎于司寇門其人爭金相詬東廠伺得之欲以聞重即夜潛入獄

### 兵疫

癸未夏秋間畿內大疫營兵半空大司馬以餉匱竟不補至悞國

### 蝗虫秀才

庚辰辛巳間山東大蝗許收蝗五十石補諸生時呼蝗虫秀才

### 佛定

庚辰二月十九日杭州錢塘門昭慶寺火銅像燬盡東廡伽藍三像

土偶如故屋雖燬神製無一損豈佛之靈不及伽藍耶殆有不可解者初萬曆間賜大藏經嘉興尚書岳石帆元毅見經籤零落奉入嘉興金明寺求善手整之得不燬

吊沈何山詩

秀水朱侍郎大啟弔烏程沈尚書演尚書亡子客至不具賓禮感賦一絕術士俱傳不死方臨期一着費商量無生無死原無用莫向留城學子房

武塘詩

嘉善進士徐遠負錢相國子錢因責進遠致書相國附以詩得好休

時便好休蘆花滿地燕飛秋黃鸝唱晚日西落幾見門前水倒流相國返其書題曰馮君滿用一帆風波復推波滿眼中莫笑寒巖無煖氣三春花柳搃成空

孝陵碑石

辛巳孝陵重立神烈山碑石戶部給石價四千金出宜興山中寔七  
百金

劉宗周不捐俸

劉念臺先生工部侍郎時烏程倡百官捐俸助馬先生獨否曰朝廷以此養廉不宜自薄



市廩

烏程朱文肅相國、禎同年僉事朱汝器雅相厚非族也文肅夢少子中書舍人紳利汝器子謙之金許廩叙而紳以劾郡守朱大受疏六上大受發其私又文肅祖墓在長興守者朱國彬盜宰木見罪冒族父名許紳市廩下紳刑部獄死紳常買伎俞楚烟以櫬歸

借屍脫囚

崇禎五年高平典史張脫囚歸許氏信丐婦屍為許氏陰匿于官舍秩滿還富平隸人發其事逮張至抵死

南內盜

辛巳十二月南京大內西宮火以盜利其銅火之

壬午四月盜秘色甕器五百件

收生婦

庚辰九月癸未收生婦王氏孫男李化龍王氏侄錢天祐俱着與冠帶總旗兵部知道

陳美發

上虞陳木生太史居鄉豪逞賈恣閭里壬午家大疫止一幼孫召餘姚醫者史繼燭史至門若神鞭其背謂彼黷橫不當療也因仆地而蘇幼孫殤絕

贈妾東

嘉興梅溪里李明嶽無子平湖陸員外嗣端澄源贈以燕姬東曰北  
地佳人盈、甫并東方才士鬢、有鬚割我下陳侍卿中幄驚柳之  
長條初折梅溪之遠黛方新紅拂善相李郎庶幾俊眼黃衫俠客霍  
女洵是奇緣拜姑嫜身乍分明叙姊妹心休見別豪豈同于換馬喜  
或媿未乘龍曉發棠舟祇合漫歌河畔柳夕開油壁想應懽見西中  
人陳媛咏舊宦詩我不更逢山下杜新婚詞君其倦問水濱時欲聊  
採微芹以光合色願言種玉以慰推雲

還妾

乙酉九月梅溪里王翊買妾張氏蓋難婦也明年丙、復還其故室  
作滿庭芳詞題帕贈之九月冰衾三春香袖客游多、眉一魂自  
守掩抑待歸期私惜閑情半枕宵征肅星影相宜殘酒柔殺附耳片  
刺倩郎陪 窺粧今未幾旋傷遷次對眼看離念堂前去燕故壘重  
棲珍重紅樓小帕沾餘屑檀氣聞維新詞與能將好夢寄我數行啼

馬玉

燕伎馬玉擅美北里山陰余狀元煌欲娶之偶朱錦衣席上侑飲歌  
琵琶記中滿城中許多公與侯何須羨狀元余意頓沮

刺黨



山陰都諫陳爾翼黨逆魏除名于錢塘西河候陸員外澄源問近况  
云有甥女陳曰君遂作公之笑員外漫聲唱曰公之一日登九五福  
自天來大此劉瑾傳奇語陳慚而去

薦侑

崇禎末士大夫苞苴輒千百金苦于賈重崇黃金美珠人參異幣時  
都門嚴邏而徑竇愈廣癸未大計錦衣衛南鎮撫司僉書山陰朱壽  
宜為鄉戚寄徑累羨餘八千金去事可知大

此處抽出應燬說一條

巡臺私從

巡按向獨身赴任祖制行李八十斤出不而食不驚今遺規漸盡惟  
單行如故崇禎丁丑邑人葛徵奇按廣東携一庖人弘光初沂州彭  
遇愷按浙至携全家

誦經滅蝗

本兵楊嗣昌請誦法華經滅蝗

癸未館選

癸未九月望廷試貢士傳臚訖以守令闕人命進士減觀政一月闈

臣請館選奉高皇帝位于閣中示其無私非制也嘉善沈澐預選俄  
易魏學瀛

魏學瀛壬午舉南榜樹旂于門頌孝廉之名義紹忠節之家風私印  
曰一門忠孝

海鹽陳梁弔子一詩扁舟弔子一無言意黯然手持一端葛為致阿

母前子一曾過我貽我絕命篇初竟置不讀一讀泪涌泉初念死即

死轉念誰能聖責人莫太苛子一亦優焉不如子一者高車何軒

華亭李雯弔子一詩亂世身名可自由恨君不及子一劇秦新論

何曾草月旦家評搃世仇

### 錢弊

崇禎時錢法日壞薄小如鵝眼苻葉南京禮部右  
塞菴入相

携戶部夾鑄錢若干欲上之為烏程所沮

癸未冬錢法侍郎請禁萬曆泰昌天啟錢止行崇禎錢而崇禎

錢少一時苦之都市常曰拏崇禎來或應曰崇禎能有幾日識者知

其非祥

### 閱武

思陵力能開勁弓外解弓弩多駁回所頒行間皆不能用造甲每利

矢陷之駁回于是甲或厚一分有餘過重難堪  
玉堂薈記



孝陵樹

崇禎十年修孝陵凡樹萬有二千九百五十七株刪枯樹五百八十  
六

後湖

崇禎四年修後湖冊庫柱刊匠人名氏十年不壞始免議

陳際泰

臨川陳大士深于經術盡日可艸制義三丁首 選貢庚午舉于鄉  
甲戌成進士授行人年六十五猶善酒御內辛巳  
喪卒于路 相國之

撫州人因大士之教生徒立業俱尚迅敏辛巳嘉定 廣安峒曾視  
學江右正考儒童訖仍大收限試七義稍欠輒加 郡少者  
數人多或數十人惟撫州九百餘人患其承特檢七日曰日月星辰  
曰電曩蛟龍曰鳥獸魚鼈曰干戈戚揚曰麻縷絲絮曰江淮河漢曰  
梓匠輪輿共錄四十人以額限定不勝收也其減責者僅二人

凌駟

李建泰王錫哀丙子主南畿試時各省卷磨勘各有停草建泰等計  
必不免遂自語禮部以凌駟素芸停科芸年二十二駟稍長命下駟  
除名停芸三科駟不能還訴建泰生雖不敏奈何以駟塞責也建泰

語沮許館之殆百金且任其完復庚辰不復至壬午收籍癸未成進士建泰出師上問贊幕者誰也舉駟任兵部職方主事

王漢

嶧縣王漢丁丑進士常與同年包長明訪陳大士云先兄已無辜恐身亦不良死大士曰曹公赤壁之戰足下且為荀文若可也王應牙其兄

丹銀

沁水張都督道濬好方術謂丹客俱詔人徇平陽人傳方試之並驗都督欲授余不應又有小方吳興茅止生維請廣作之謂余不妄作者傳之日佐薪水可也余辭曰身士命厄正惟

是半菽不充藜藿無措若日享一饌則腹且果然豈天見困之意哉常見稗官家言吳人某好丹偶延方士某試作方士某繞舉箸願脫此事徃多陰譴雖長餓不願聞也

時敏

初餘杭大滌山洞中有異人寓焉不知其年月云吳人也常出游值筆賈為吳中故人相話舊云能見訪入洞初黝暗勿自阻即得達矣當有以少報久之筆工尋山洞如其言深入劃然天開見異人坐石牀延接甚至謂子貧或外人託問未來事可知給朝夕也于是屢往來焉常熟時敏子求亦託筆工致問云功名歷第甲申三月十九



日切勿在京師敏成進士除海寧令對所善諸生若輩宦游甲申三月十九日切勿在京師因述前指敏調安陽又調固始邑婺婦某擁貲數十萬居鄉時寇警招之入城令捐助先後不貲迨寇偏驅婦出城被難因藉其家已遷部主事給事吳昌時求預考選召對上臨門手注御史出語人曰猫頭補子豈人所看則宜興密揭改兵科給事中甲申正月調金華守上書自明又得留尋從賊除巴縣令御史蘓京除四川防禦使敏即修謁盛飾短後不長跪已遁歸亦何責于前知敏既外轉適當其幸乃上書乞留豈非溺于轉而附賊矣

